

榮縣志

物產第六

榮以鹽鐵著稱。漢志南安有鹽官鐵官。諸葛鐵山鑄兵器。時其業必盛。唐書土貢紬斑布葛柑利鐵。利鐵元和志所云和鐵也。宋史貢斑布有鹽井而鐵無聞。距今數百年。鹽業日盛一日。而鐵幾於不存。縣境無特異之產。亦無大宗之物。常事不書。則無一可書矣。盡所有書之。又書不勝書。特錄其於古有徵。於今有用者。有用望以後之發展改良。有徵則於讀書者詰訓之一助。區其類曰穀曰蔬曰果曰花曰草曰藥曰木曰鳥曰畜曰獸曰蟲曰鱗曰食貨曰用。

榮縣志

物產第六

一

七百七十五

稷為五穀之長。爾雅粢稷眾秬。說文稷齋也。曲禮稷曰明粢。月令首種不入。鄭注舊說首種謂稷。大戴禮注庶人無常牲。以稷為主。故稷以名官。奉稷而祀之。孫郭注秬曰黏粟。說文粟嘉穀實也。知粢知秬知粟。即知稷矣。稷者穀屬。北方所謂稷米也。小米也。故小雪曰稷雪。程瑤田九穀攷。妄以高粱當之。其辨專輒。世士趨風。按之雅紀。無一而合。高粱豈得為五穀之長。一也。稻則有驚蟄秧。早包穀。四月已熟。高粱灼非首種。二也。說文秬稷之黏者。高粱與秬懸隔。三也。左傳粢食不鑿。故曰疏食。而曰稷形大。故得疏稱。豈非繆說。四也。稻梁黍稷。

民食之天。獨以高粱設官建祀。抑何不倫。五也。王引之謂高粱不黏者。粢稷也。以作飯。其黏者。眾穠也。以釀酒。是并不知高粱種性。宜邵一。雲郝蘭皋洪稚存糾正之。稷。俗曰飯穀。農僭極餘。其略三葉莖。五葉實。七葉熟。早熟有黃瓜早。六十早。蓋草黃。麻殼。長粒。糞粒。撒標子。標讀如刀。西陽早。諸種。晚熟有稀粒。糞粒。香穀。二種。中熟有鐵茨穀。團茨穀。白殼。黑節藍。馬尾黏。大葉黏。齊頭黃。紅花穀。辟瘟黏。冷水黏。大桂陽黏。小桂陽黏。大程。各種。黏當作占。本草。秬稻一名占。稻種出占城國。故名。秬古作穠。說文。穠稻不黏者。

榮縣志

物產第六

二

川文古一四

稷。譌作糯。俗曰酒穀。有早晚二熟。早熟曰響殼糯。豬油粒。麻殼。大穀。白殼。大穀。諸種。晚熟曰五子種。居飯穀十之一。

饗巴。說文。饗稻餅也。蒸糯米揉之。禮記曰粉饗。今以油炸之曰油饗。巴之名無誼。而五穀所揉為饗。俗通名巴。按說文。糜。糝。糜也。從米。麻聲。黃帝初教作糜。此今所呼巴也。廣韻。八戈。糜。莫婆切。糜。食也。亦可以糜。當今巴名。南史。齊衡陽王子鈞母病。左右以五色餅飴之。鈞不食。曰須待姨差。虞。悰傳。悰以孝聞。終喪日。唯食麥餅。二枚。餅巴亦復聲轉。今俗以巴字無理。別作粃字。妄也。

陸稻 俗曰乾穀有鴛鴦黏耐乾穀二種。旱年種之。
黍 有黏不黏二種。黏者爲酒曰酒黍。不黏者爲飯曰
飯黍。

粟 禾也。說文禾嘉穀也。粟嘉穀實也。宋禾瑞不一。咸
平二年七月。資官縣吏董昭美禾一莖九穗者各一。景
德三年九月。榮州禾一莖十八穗。大中祥符八年四月。
旭川縣民任慶和田禾一莖九穗。天聖四年。榮州禾一
莖九穗。景祐三年。榮州禾一莖九穗。慶歷七年九月。榮
州嘉禾合穗。見宋史五行志。

豆 廣雅大豆曰菽。詩采菽是也。今日大青皮豆。次日
榮 縣 志 物產第六 三 川志上上

大黃豆。小豆曰荅。今小黃豆黑豆豬肝豆是也。配鹽幽
之曰豆豉。礮而凝之曰豆腐。按豆腐傳始淮南王安。急
就篇甘豆羹注。以泔米泔和煮之。一曰以小豆爲羹。不
以醯酢。是野人農夫之食。尙不能精。大氏名之曰羹。曰
醬耳。如蜀都賦注。蒟蒻醬。卽今云磨芋豆腐也。宋則通
見記載。陸游詩。洗鬴煮黎祁。注。蜀人以名豆腐。黎祁或
作來。其近人攷其質。養分具足。通其變。踰三百種。其用
博矣。宜乎專豆之名也。豆腐鬱而朽之。曰香豆腐。王壬
秋都講尊經發詠課士。亦蜀故焉。

胡豆 一名蠶豆。凡物析之而名愈多。別有豆尤肖蠶

者。要之胡豆卽蠶豆矣。胡大也。爾雅曰。戎菽謂之荏菽。注卽胡豆也。爾雅專釋詩文。荏戎皆大也。郭璞以齊桓公北伐山戎。出冬蔥及戎菽。布之天下。此衰周之戎菽也。今胡豆乃后稷所種。種自深秋季春乃熟。溫地宜之。北方沍寒。蠶豆今少。尤非山戎所宜。故知施施荏菽卽此矣。或疑幽風小明之菽。蠶豆非其時。不知彼言菽。非戎菽也。或疑戎菽與禾瓜同稱。蠶豆非其時。不知綜述農功。麻麥亦非夏季也。管子地員篇。五土之宜。率援舊制。所云恚目。惟胡豆花白睛黑珠。如瞪眼然。鄉居入用最廣。常饌外。以醬油爲大宗。其法漚而礮之。濾其甲令榮。縣志

物產第六

四

XIHOIX

淨。鬱以黃荊。令生衣。載淘載晾。曰豆瓣。一升配鹽三斤。加水則加鹽。暴烈日中。五月作。七月滿缶香矣。當慎者。鹽如其劑。少則殍也。其作辣豆瓣。入以麩。法小異。縣沃土及田塍皆種。并肆飼牛之需。四方運而致者等穀食。今火車興而牛料減矣。

豌豆 廣雅曰。蠶豆。蓋西域種。故亦曰胡豆。非爾雅戎菽之胡豆也。北方以正月種。與崔寔四民月令合。南方及秋種之。其大者白花。齊民要術曰。脾豆。今大白豌豆也。小者紫花。今麻豌豆也。嫩苗曰豌豆顛。嫩莢可罐儲。常饌外可造醬礮而濾之。爲索粉。尤周於四方。

豇豆 廣雅曰豇。豇者其紋絳也。獲者一蒂雙綠如垂筋也。張騫得之外國。故古通稱胡豆。種有白青紅紫之殊。皆可繼糧。白者名飯豆。田家曰側豇。尤席上之珍。一粒一珠也。

菜豆 小豆類。或曰。菜當作綠。粒大而色鮮者為官綠。皮薄粉多。細而色深者為油綠。皮厚粉少。浸之水。生豆芽。

大麥 粦也。亦曰穀麥。有六棱光頭。四棱紅棱。火燒諸種。貧民或食之。餘則飼豕釀酒。

小麥 麩也。有油條。胡豆黃。石橋。光頭。陝麥。白小麥。泡榮 縣志 物產第六 五 川志

小麥諸種。確麩製醬油。用最廣。

油麥 山地多種。飼豕。餌食亦美。

蕎麥 有甜苦二種。甜蕎確麩。苦蕎飼豕。

燕麥 早熟。俗名魚鱸麥。飼豕釀酒。

稗 禾別也。俗名鴨腳稗。確食之嘉。

包穀 一曰玉蜀黍。曰玉麥。近人鄭珍據山海經穆天子傳。以為即古之木禾。作玉蜀黍歌。張之。略云。神禹所見。益所記。遠在稷播以前。執岷嶓。稷筍。脫縑魚。努目。鮫胎。出骨蜂。露窠。竹書又名為荅莖。其時見之黑水阿。黑水今在雲南中。遠與菡醬驚黃。餽。按以木禾當包穀。持

之有故。不然木禾不應失種。舍包穀又名實無相當者。惟黑水之說不能以周後地望上泥。三古版圖據今譯西史西圖。昆侖者喀喇山也。其境在今爲巴比倫亞西里亞。當裏海黑海之間。穆天子傳黑水卽幼發拉底河。有兩源。西源曰喀喇烏蘇。譯云黑水。是蒼莖之來。自蔥嶺以西。地形巧合。其傳植中國。先徧西南之陬。非周世職方所有。故雅記無之。鄭氏歌謂職方五種載周官。校之堯偁百穀已無多。木禾自是梁益產。歌豳刊落元非苛。自通夜郎略邛僰。伏豬名乃傳清河。固言之成理也。今包穀猶以西南爲大宗。種庶名籛。功居稻麥之半。故

榮縣志

物產第六

六

XOLONE

備舉鄭說推所自出焉。

高粱 廣雅藿梁木稷也。高粱非稷。以其高故云木稷。猶包穀非禾。以其高故云木禾也。博物志名蜀黍。王楨農書又名蜀秫。名蘆稌。名荻梁。以種來自蜀。形類黍稷。故曰蜀黍。齊民要術曰巴禾。曰木稷。按高粱味澆。專用造酒。非常食。而程瑤田辨之。謂直隸山東山西河南陝西。爲賤者之常食。誠強辨矣。京師人人所知。何嘗恃高粱度日。若徒救飢而已。蜀民又何嘗不食哉。而段玉裁王引之朱駿聲埒之。誤已。

脂麻 胡麻也。一曰油麻。漢書司馬相如傳注。引蘇林

曰油音油麻之油。種有二。白者油香美。四民月令云胡麻。白者油多。黑者入藥良。七修類稿。種芝麻必夫婦同下其種。收時倍多。僧無婦。種芝麻無得者。

苡仁 薏苡。俗曰六穀。入藥。人仁通。故今通曰苡仁。

天星米 粒如黍。爆之成花。和糖作餅。曰天星餅。

已上穀類

油菜 說文。菜草之可食。是菜者眾蔬之大名。云油菜者。莢臺也。色紅白青。均可作油。其抽心者。郭璞所謂莖頭有臺。爾雅。臺夫須。艾久臺。均名由義立。廣雅作莖。後起字也。臺紅者尤腴脆。屢摘屢發。藜如著矣。韓子蒼有

榮縣志

物產第六

七

川考上

菜花乾詩。小摘黃花日中曬。中有巴蜀齋廚香。知宋時陵州習製。陵今仁壽也。茄、蘿蔔、阿瓜。鄉中均截絲暴之。以為冬蓄。獨菜臺無乾者。習久而變。專取風露土膏之氣矣。

蕪菜 俗曰空筒菜。宜蒞。南方草木狀。野葛有大毒。以蕪菜汁滴其苗。當時萎死。世傳魏武噉野葛至一尺。先食此菜。齊民要術作蕪菜。

白蒿 古曰蘇。一曰由胡。俗呼輒籩。清明時。茸茸而白。采為餌。以薦祖墓。古采蘇祭祀之義也。其青者曰菘。俗曰青蒿。

蓮花白 春夏菘也。葉層裹而堅。圓如大球。種近他蔬。則變不裹矣。凡草木花葉。感氣而迤。遇旱尤多性變。沈括言熙寧中。李及之知潤州。園菜悉成荷花。花中各生一佛。暴乾而像依然。近年成都近縣。南瓜蔓成龍形。身博如蝮。寬及兩掌。弩目垂髯。爪牙角尾。胷備。卒無他異。大氏蕪菁菘芥諸品皆然。因類觸之。君子藉以修省。桑穀之遺戒也。

莧 說文。莧菜。赤曰蕘。忌鼈。

苦菜 古曰荼。與茶蓼之茶別。亦曰苦。以茗鋤羹。唐韻曰苦蕘。俗音如馬。葉煎食。亦作菹。秋後新葉宜豆粥。

榮 縣 志

物產第六

八

川音考

染絳 葉似葎。苗茹滑。子絳汁。殆葎之類族。

蕨 有恬蕨苦蕨。恬蕨春生。臺曰蕨臺。根磨粉曰蕨粉。載舊志。數十年無採製者。固哉山農也。廣雅。苾蓩蕨也。蓩范書馬融傳作蕘。故俗曰蕨基。因誤腳雞。謂象雞腳。區冷蕨二種。洪邁以蕨蕘養人。乾道辛卯。紹熙癸丑。荒旱。民掘根擣粉。數十里。數千人。半年中倚此為命。近合江製蕨皮。暴粉如膠。沃而烹之。滑如海參。榮北山尤多。數百年前。老林口一帶。蕨與崖齊。十年前。仰天窩一帶。墻間祭火。延燒一山。今墾矣。蓋徵人滿之患。

海椒 俗曰番椒。按蘇浙廣東無嗜者。番海之名。不為

典要也。凡物傳之既久。自非草之蔥韭蘆蒜。木之桃李松柏。率皆方言淆惑。人異其詞。惟證以至確之音。別無相當之物。斯信讞矣。如海椒。今京師通呼秦椒。山海經景山多秦椒。急就篇注。椒謂秦椒。卽蜀椒也。范子計然云。秦椒出天水隴西。細者善。以京師言證之。他無通行之物。呼秦椒者。而臆說以實之。非也。秦音近申。故離騷曰。雜申椒與菌桂兮。今亦無通行之物。呼申椒者。則申椒卽秦椒。秦椒卽海椒。審也。惟稟氣英烈。西南常食不離。餘地或與辛迂。不能盡天下而皆種。入目者稀。遂蒙以番海之目。而亘古相傳之緒。轉嫁名他物。識者寥寥。

榮縣志

物產第六

宋育仁曰。海椒古之蓼也。周頌小毖曰。予又集于蓼。按蓼與蘿古相似。而葉稍狹。其子謂之蓼實。狀與椒符。其辛任調和。謂古之蓼卽今之椒可也。山海經多後人增益。度禹時鄉物。尙匪秦名。故周詩言蓼。而今本言秦椒。離騷言申椒。凡厥三名。不妨一物。又申神也。申椒猶神椒也。神辰一音。晉辰韓又謂秦韓。名以音起。不必定繫天水隴西。如景山卽今之聞喜。非秦州矣。種有圓者長者。尤以七子攢心爲極烈。故計然云。細者善。

茄 爾雅扶渠其莖茄。今之荷筍也。漢時已借爲蔬名。王褒僮約。別茄披蔥。亦作伽。揚雄蜀都賦。舊菜增伽。是

也。子淵子雲皆蜀人。晉王嘉拾遺記。脯以青茄。梁沈詩。紫茄芬爛熳。隋煬帝呼爲昆侖紫瓜。則茄不止蜀產矣。白者曰銀茄。黃山谷詩。待得銀包已成穀。更當乞種過江南。是乃謝楊履道之作。乞種云者。豈宋時蜀有白茄。江西無之耶。宋史洪咨夔上疏。其父曰。吾能喫茄子飯。汝無憂。茄子入飯。實甘腴。非窮況也。今京師茄圓扁形。多肉少子。桂林有宿根茄。其本不凋。明年結實。皆比榮產佳。

菌 爾雅地蕈。俗曰菇。名以形色而稱。大氏雞縱尙已。凡有釘蓋。構造如雞縱者皆良。其赤蛇色。或奇大。或詭

榮 縣 志

物產第六

十

Vol. 10

如樓臺。或腐處無胆。皆毒氣所蒸。宜慎。趙熙曰。余行巫峽中。山媪售乾菌。舟人利直賤。賜餽之。謂菌經火炕。毒香淨。嘗之果清香。如粵冬菇也。滬譯西國種菌法。準蘑菇例必效。村僮言。雞縱莖壯者。蓄其莖。以濃涎唾折處。越宿卽茁。是可以參菌理矣。樹生者。松菌。青桐菌。紫菌。竹菌。貢井獨一山。以二月化生。名綠水菌。春雷坵包。擷百花之元素。校其品。惟藐姑宜。佛書云。無功受施比丘。化木菌供眾會。因鳴擊報可畏。亦見是菌多且賤也。韭 說文。韭一種而久也。禮韭曰豐本。爾雅。藿山韭。古爲豆實。其花謂之菁。楊風小柬。當一葉報秋之初。正韭

花逞味之始。助其肥羴。實謂珍羞。近年園師。培沙作畦。旋長旋壅。令避風日之侵。莖白如玉。顛如淡黃。春柳曰韭黃。此法已見北宋梅都官詩。而榮爲新品。說文。齧韭鬱也。今更無之。計與鹽菜冬菜蒜臺同法。爾雅芡根注。俗呼韭根爲芡。

薤 正作齏。爾雅齏鴻薤。蓋薤卽鴻薤合聲也。山薤曰勤。今野生者尤辛。通胃氣。

黃瓜 古曰胡瓜。拾遺錄云。大業四年。改名黃瓜。有黃白二種。白者曰蠻黃瓜。實較遲。

瓠 古之匏也。有苦者。苗初生。嘗而去之。甘者嫩葉亦榮。縣志 物產第六

十一

川六〇上二

宜饌。詩幡幡瓠葉。采之烹之。是也。實有圓長諸形。凡爲瓢爲葫蘆爲壺者皆瓠也。俗曰瓠子。趙熙曰。古今天然語例。率以兩字爲位。多者減之。少者增之。招提菩薩。減四言爲二言也。方朔葛亮。減三言爲二言也。增奇爲偶。率以兒字子字足之。茄子豆子。推類至爲餘博。蓋取便於脣齒間者。天然也。瓠子古已通稱。唐裴宏慶署張虎望爲冬瓜堰官。虎望不平。裴曰。瓠子守冬瓜。所謂過分。虎望乃張祐之子。祐瓠音同。故諧之。

苦瓜 以味名。清暑。

絲瓜 俗曰燒瓜。瓢絲如網。滌器。陸游曰。絲瓜滌墨漬。

不損硯。

西瓜 廣雅水芝瓜也。其子謂之瓢。嵇含瓜賦謂之土芝。金劉祁北使記云。回紇國瓜有重六十斤者。今京師重三白瓜。實則紅黃瓢亦甘冷。大氏山西產者佳。縣差小。

香瓜 俗曰菜瓜。曰醬瓜。有白皮斑皮二種。酢之良。北方曰話瓜。專生啖。

南瓜 一呼阿瓜。按世說王詢字法護亦曰阿瓜。則東晉已通稱。宜蔬宜糖片。宜飼豕。嫩臺宜豆汁。子宜茗宜酒。扁者名蘇餅。長者名枕頭。皺泡者名癩瓜。圃人析物

榮縣志

物產第六

三

川一〇〇〇三

宜然。雲南李裴知云。此瓜有盈丈者。曾見之恩安山中。瓜中龍伯國矣。

冬瓜 廣雅曰菰。皮如碧粉。富水質。糖製珍品。

薑 薑以蜀為美。呂覽陽樸之薑。高誘注。陽樸地名。在蜀郡。古南安政蜀郡屬縣也。

原荜 胡荜也。博物志曰。張騫使西域。得大蒜胡荜。其薺禦臍氣。

藁荷 俗音近羊荷。製鹽菹。色善。冬儲之良也。葛洪方人得蠱。欲知姓名。取藁荷葉。著病人卧席下。立呼蠱主名。顏師古云。治蟲蠱。本此。

蛾眉豆 扁豆也。扁古作穆。玉篇。穆籬上豆。

刀豆 一名挾劍豆。

狗爪豆 狸豆也。爾雅。楫虎鼻。虎豆也。小者謂之狸豆。

芋 說文。大葉實根駭人。故謂之芋。按此名必起上古。

於百卉之中。驚而名之。可推人心之樸。水陸異種。據史

記貨殖之文。蹲鴟蜀產為取。

蕻芋 蕻也。蜀都賦。其園則有蒟蒻。注。蕻草也。其根名

蕻頭。大者如斗。其肌正白。可以灰汁煮成。凝成可以苦

酒淹食之。本草綱目。蕻頭一名鬼芋。其汁今日鬼豆腐。

菱筍 菱今音如高。菰之雙聲也。爾雅出隧。蘧蔬。注。似

榮縣志

物產第六

三

川之志上

土菌。生菰草中。今小者曰菱筍。古菰菜也。大者曰鵝筍。

象鵝卵。古菰首也。程瑤田曰。成菌者牝菱。不菌而吐秀

結實。古稱雕胡飯者牝菱。縣產有筍者。

菱角 說文曰菱。爾雅曰蕨。攪。可生啖。作粉尤良。

芡實 說文雞頭也。補脾。

薯 齊民要術。作甘藷。似芋。有巨魁。去皮。肌肉如脂肪。

南人以代穀。按甘藷始出交趾。武平九真興古。故曰番

薯。番薯與甘藷音近。薯與茗又音轉。故俗曰茗。有紅黃

白各種。

薯蕷 山藥也。一曰玉延。俗呼白茗。有紅白淡綠三種。

曰牛尾苕者。數歲一掘。

蘿葡 蘆菹音轉。後漢書更始亂。宮人食蘿菹根。是漢已讀蘆爲蘿。郭璞云。俗呼雹突。是晉音又轉矣。宋周密言。蜀評爲葵子。今不聞是語也。廣雅曰菘。遠。埤雅曰菜菹。方言注。江東呼爲溫菘。種分大小紅白。冬夏可種。初生苗葉可食。成根可生啖。可熟饌。可菹。可暴。性已燥毒。洞微志。齊州人病。夢一紅裳小姑歌曰。五雲葉蓋晚玲瓏。天府由來汝府中。惆悵此情言不盡。一丸蘆菹火吾宮。一道士治之曰。犯天麥毒也。食蘿葡而瘡。種宜沙地。縣有大數十斤者。咸云圃瑞。

榮縣志

物產第六

十四

川上〇六

白菜 菘也。埤雅。菘性凌冬不凋。有松之操。黃英者良。菘大名。故菜之屬。以菘名者廣。而皆由白菜推之。

青菜 芥也。蘇頌本草注。青芥似菘。有毛。味極辣。其臺曰青菜臺。其葉形磊砢者曰包包菜。青菜之製。最精者曰冬菜。其鄉中通製者曰鹽菜。

大頭菜 蕪菁屬。一曰大根菜。縣有鹽其苗。腊其根以嫁女者。儲至百年不朽。一物也。占古風焉。

羊角菜 以形名。可爲酢菜。

瓢兒菜 得霜味腴。紅者止飼豕。

波菜 波稜也。唐書西域列傳。貞觀二十一年。泥婆羅

遣使入獻波梭菜渾提蔥。

蒿筍 類篇曰蒿筍。

芹 說文作𦉇菜類蒿。

蔥 四時皆有者曰四季蔥。冬日曰蒼蔥。蒼俗評為火。

入羹亦可為菹。

蒜 葷菜。祛毒。冬食菜。春食莖。根淹鹹菜。乾者古曰燥。

蒜。見晉惠帝紀。晉褚哀女為康獻皇后。名蒜子。古珍膳。

耶。故以況女。

蕎 讀如叫。俗曰蕎頭。曰鵝脰蕎。廣雅。韭薺蕎。其華謂

之蕎。故知韭薺屬者蕎也。爾雅。藿山韭。藿薺蕎一聲之

榮 縣志 物產第六

五

川。多。又。

轉。一名籤。說文。籤山韭也。古梭讀若導。服之導。火部。炮

从皂聲。讀若駒。則籤蕎音變。古例亦通。蕎葉近韭。大根

色白。為穀。為鹽菹。皆嘉。本草曰藟。按玉篇。藟草名。不言

韭薺屬也。

苦蕒菜 俗曰蕒菜。宜豆汁。宜粥。

茨菇 藟薺也。卽芡。芡聲轉。又名烏芋。苗如龍須。根結

子如小芋。烏色而光。可生啖。可熟食。磨粉勝於蕒。可化

食。通呼曰茨菇。其一種名薛菇。名水芋。烏芋者。葉有極

如鏃箭鏃。可化銅。可治蛇毒。今名野茨菇。乃古之茨菇

也。

野豌豆 薇也。陸璣詩疏。莖葉皆似小豆。蔓生。其味亦如小豆。藿可作羹。亦可生食。

側耳根 鄭樵以為藪也。樵不言所據。按埤蒼藟藪也。左思蜀都賦。樊以藟圃。風土記。藟香菜。蜀人所謂藟香。說文作藟。

排風藤 苗可茹。小兒煎水服去風。

扁竹根 人家以入豆豉。有積食者。掘根。盃酒服之。效多則殺人。說文。蕭莧葍也。別一物。

馬蘭 俗曰馬矢莧。中藥。初生可蔬。

鴨跖 俗名竹葉菜。可食。

榮 縣志 物產第六

六

川。多。也。也。

灰藿 俗呼灰須菜。古之藜也。廣雅。藟藿也。白灰藿也。筆藜也。藿心之紅粉者也。北方赤藿。高逾丈。大如竹。莊子原憲杖藜而應門。即此。初生可茹。墨子藜羹不糲。即此。

已上蔬類

櫻桃 爾雅。楔荆桃。月令曰。含桃。食之美容色。左思蜀都賦。朱櫻春熟。

桃 詩園有桃。其實之般。其製必有法。今山東桃脯。即古桃諸耶。爾雅有冬桃。山桃。晉書惠帝紀有秋桃。郭云。山桃實如桃而小。不解核。按即唐書五行志毛桃也。毛

桃自表言之。郭注自裏言之。冬桃秋桃。今無此種。宋周密曰。桃樹生蟲。以舊鐙繫挂枝間。卽已。

蔗 爾雅。莓也。通作苞。讀泡平聲。如桑葚。赤者黃者。均酢。啗可啖。莓。秧時熟。野生也。淮南子。入榛薄。食薦梅。卽蔗矣。今西人種之。成畦。以爲罐儲。

枇杷 榮舊產。後魏賈思勰曰。出南安。樵爲宜。都。今宜都大者如雞卵。而嘉定榮縣所產轉小。

梅 結實赤而酢。類杏者。本某也。字或作楸。作罍。其名梅者。枏也。與時英。梅判二物。郭注爾雅混焉。今則通借梅字矣。古爲豆實。內則云。梅。讀乾腊也。今製酸梅外。無

榮

縣

志

物產第六

七

川考。六一

復豆實之遺。

杏 甘於梅。可暴治。如脯。子曰杏人。一曰參核。謂靈運山居賦。注。參核者。雙核桃杏人也。

銀杏 俗名白果。凡寺宇中多大樹。戊辰刻法華經。求梨棗不得。以銀杏代之。詩中又稱鴨腳。

林檎 說文無檎字。林檎者。爾雅之棧也。棧讀若導。服之導。郭注云。棧實似柰。赤可食。柰卽今花紅也。

李 色類不一。黃而甘者曰糖李。人喜食之。赤曰血李。早熟曰麥李。按麥李之名甚久。郭注爾雅。榘接慮李云。今之麥李是也。馭赤李。郭云子赤。卽血李也。

椒 和味之珍。又可製器。江淮北土皆有之。但不及蜀中者。皮肉厚。氣味濃耳。圖經云。蜀椒高四五尺。其野生者曰狗矢椒。不中食。

荔支 華陽國志。江陽有荔支。公井。江陽地。今猶有以荔支名者。陸游詩。荔子陰中時縱酒。知南宋榮州荔支猶盛。

龍眼 一名益智。新橋有百餘株。已實。多續蒔者。

梨 有青皮黃皮二種。以糖煮之曰梨元。為果中尊品。宋書。張邵。小名梨。其子數。小名查。文帝戲之曰。查何如。梨。數曰。梨。為百果之宗。查何可比。

榮縣

志

物產第六

支

川方志卷之十一

核桃 博物志。胡桃種。張騫得自西域。皮薄者曰紙核。桃。厚者曰米核桃。米不易出者。臧核。臧也者。藏也。

石榴 宋書。張暘傳。托跋燾求甘蔗。安石榴。暘曰。石榴出自鄴下。亦當非彼所乏。則南北均產。惟滇為上。特移其種。仍變耳。其花而不實者。曰花石榴。

栗 古遵實。亦以作主。春秋傳曰。練主用栗。

雞棗 俗曰拐棗樹。象其形曰雞爪。能令酒味薄。田居蠶室錄。拐棗子。鴨食之。須臾即死。

橘 里稱蘇柑。按禹貢揚州厥包橘。柚錫貢。攷工記。橘踰淮而化為枳。屈原橘頌。受命不遷。生南國兮。張九齡

詩。江南有丹橘。知橘產之良。姑蘇特著。史記。蜀漢江陵千樹橘。漢志。巴郡朐腮魚。復二縣有橘官。知橘種上。遂由楚入蜀。其始僅及三巴。揚雄蜀都賦。黃甘諸柘。而不及橘。左思賦。戶有橘柚之園。知晉時乃徧兩川也。然則蘇柑者古義之僅存。攷實之通論也。海禁未開。凡佳物悉曰蘇器。猶今售異動以洋名矣。蜀橘多在川東南。富順江津。沿於江海。而榮僅供鄰縣。蓋彼則濱江。此爲山徑。運不便。則售不廣。其植恐終不能極盛。然前惟樂德鎮張氏有園。今則過水坡。李子橋。縣東南。以時淺起。猶產不敵銷。則廣植之謀。無虞失效。嘗詢之張景僑。據云。

榮縣志

物產第六

充

六〇〇

一畝得樹若干。一樹得橘若干。一橘得錢若干。其利較然。十倍執穀。人顧不趨者。橘種盈則他種歉。一年減收若干。二年減收若干。增至十年已盡。人功一年若干。糞料一年若干。亦遲至十年乃成。苟急目前之食。何能坐耗十稔。遠冀高貲。故勞耕之力。尺地不空。坐享一園。開源者。匙是在中。豐者。當其租入。熟計盈虛。暫作閒田。終成利藪。一人致富之術。亦一方地力之紓也。

柚 按禹貢。橘柚皆揚州產。南國珍也。列子。吳楚之國。有大木焉。其名爲櫟。碧樹而冬生。實甘而味酸。食其皮。汁。已憤厥之疾。齊州珍之。山海經。郭注。櫟似橘而大。皮

厚味酸。櫛柚古今字也。呂氏春秋伊尹曰：雲夢之柚，是橘柚皆由吳楚入蜀。故夔州柚負重名。今榮北墨林山已獲其術種之矣。爾雅櫛楨，乃厚皮氣歎鼻者。范成大曰：打碑以柚皮代氈刷，宜墨而不損紙。威遠黃季淵糖製之，味有公信之清。

柑 古止作甘。揚雄蜀都賦：黃甘諸柘。柘卽蔗。甘卽柑也。隋書文帝好食柑。蜀中以蠟封其蒂獻之，香氣不散。是在隋時柑猶以蜀產爲上。廣志：平蒂甘大如升，色蒼黃，穉爲南安縣出，則柑又爲榮舊產。

壽星橘 如枇杷大。夏秋華實相繼。一名盧橘。世以枇杷爲盧橘，非也。按上林賦郭注：蜀中有給客橙，似橘而非。若柚而香。常璩志：江陽有蒟醬給橙。壽星橘卽給客橙矣。榮在漢爲南安江陽地，與常志合。

榮縣志

物產第六

三

川之。上。

佛手柑 以形名。糖製之，珍品也。暴之曰佛手片。漬酒良。入藥解氣鬱。培之宜濃糞。

柿 製餅，惟不如北產良。

阜角 阜莢形象角，故曰阜角。小者似牙，曰牙阜。治毒瘡。性去垢。古詩曰：黃塵污人衣。阜莢相料理。

油珠 古無患子。俗作榘。性去垢。崔豹云：有神巫名竇眊，能符劾百鬼。以此木棒殺之，故曰無患子。唐人又作

梳子。包何詩。子爲佛稱名。所謂百八手中持也。大而黑者曰鐵櫛子。小而頰者曰銅櫛子。向綴朝珠念珠者頰子也。

茶子 一曰木子。謝靈運山居賦注。楊桃山間謂之木子。蓋同名而異物也。迮油曰木子油。凡迮油之滓曰枯茶。枯澣衣尤良。康熙二十五年舊志云。近年始有。今則西北滿山。不三百年而樹斲一變。占民智也。

桐子 桐大名也。判其類。迮油者爲一種。點鐙外熬以光器。今爲江海大利矣。清季鄉中桐枝成刀形。鐔胡備具。譁爲咎徵。因憶沈括言。治平初。杭州民家折柿木。中

榮縣志

物產第六

三

川名。也。也。也。

有上天大國四字。括親見之。字類顏真卿。天然橫出。如松節然。劈而合之。如契。括北宋人也。南渡果駐杭州。證清季桐木之徵。其孽歟。古人所以遇災而懼。側身修行也。

烏白 俗名椶子。其油專供製燭。滓以糞田。葉染布曰墨青。一名鴉舅。鴉烏古一音也。

棗蜜蘿蒲陶均產

已上果類

牡丹 古惟芍藥。廣雅名白荒。唐名木芍藥。王百花矣。全唐詩載劉兼官榮州。再看光福寺牡丹云。去年曾看

牡丹花。蛺蝶迎人。傍彩霞。今日再遊光福寺。春風吹我入仙家。當筵芬馥歌。脣動倚檻嬌羞。醉眼斜。半歲未朝金闕去。依前和露載歸衙。

紫荆 古稱京兆田真兄弟之樹。羣芳譜一名滿條紅。叢生。春開紫花。甚細碎。數朶一簇。近人王壬秋紫荆句云。珠球鬧春欺錦纈。寶鞭敲日碎珊瑚。蜀都江邊詠也。蘭 朱子曰。古者蘭可刈爲佩。必非今所謂蘭蕙也。按荀子楊注。澤蘭臭似蘭。李當之云。蘭草似都梁香。陸璣詩疏亦云。蘭草似藥草。澤蘭。晏子雜上篇。蘭本三年而成。審知唐以前言蘭。主佩服。給和調。供沐浴。灼非今物。

樂 縣 志

物產第六

三

川前〇上七

古蘭實與澤蘭相類。

澤蘭 陶隱居名都梁香。古祇名澤。土喪禮記。茵著用茶。實綏澤焉。鄭注。澤澤蘭也。荀子正論篇。代畢而食。楊注。畢蓋香草。或當爲澤。澤蘭也。澤臭類似蘭。故又名澤蘭。

辛夷 又曰辛雉。夷稚音近。周禮薙氏注。書薙或作夷。未開如筆。又名木筆。白者曰玉蘭。

阿芙蓉 阿音迤鴉。曰鴉片。猶阿鵲呼鴉鵲也。昔名罌粟。蘇穎濱說。罌小如罌。粟細如粟。與麥偕種。與稌偕熟。苗堪春菜。實比秋穀。研作牛乳。烹爲佛粥。唐名米囊郭

元振所謂結實何曾濟得民也。成都雍陶詩：行過險棧出褒斜，出盡平川似到家。萬里客愁今日散，馬前初見米囊花。知自古西南尤盛，有紅者白者。子進油，又可製糖食，汁曰泥曰土。榮之鐵廠鋪號為佳產。芙蓉者，取其大片敷渝，昔本嘉花。今成毒禍，道光戰甌，是花初胎。一草之微，與國運相表裏，全球皆動，奇哉。

海棠 蜀中海棠號花海，向稱杜少陵無詩，實則曉看紅溼處，花重錦官城。非海棠不足當之。全唐詩載劉兼作淡淡微紅色，不深依依偏得似春心。煙輕繞國顰歌黛，露重長門淚斂衿。低傍繡簾人易折，密藏香蕊蝶難榮。縣志 物產第六

尋良宵，更有多情處。月下芬芳伴醉吟。

鐵梗海棠 卽西府海棠。西府，蜀府也。種分自蜀王府。其幹如鐵。王培荀署中禱詠：海棠香國亦無花，且向庭前看木瓜。略似玉人簾外立，茜紅衫子漾輕紗。則一名木瓜。

山薑 瓶水白養山薑花。陸游榮州詩。

映山紅 卽杜鵑花。李白詩：三春三月憶三巴，是也。白者名玉茗。陸放翁眉州石佛院詩：釵頭玉茗妙天上，瓊花一樹真虛名。自注：座上見白山茶，格韻高絕，不知榮州四山皆是。放翁冬來春去，紅白花開，山雨中不及見。

也。又名紅躑躅。見元白王建諸篇。而近人王壬秋泰山雪中云。躑躅逢春伴客愁。仙山長得綉清秋。瓊花有分今親見。消得人閒杜宇愁。乃以秋開。何也。

襍俎 一叢五色。宜庭砌間。海西種也。俗曰洋杜鵑。又曰洋馬矢。覓趙熙易曰。襍俎。嘉名。肇錫。并有詞爲實錄。茲不載。

玉燭 全唐詩載劉兼榮州作。嫋嫋香英三四枝。亭亭紅豔照階墀。正當晚檻初開處。卻似春闈就試時。少女不妨吹熠燿。東君偏惜未離披。夜深斜倚朱欄外。擬把鄰花借與誰。

榮 縣 志

物產第六

三

川上、卷三

茄花 爾雅扶渠其莖茄。是花紅似木芙蓉。一葉一花。節節綴柯而發。名應爾雅。野人則呼棊盤花也。

鳳仙 一名海薊。有紅有白有五色。有佛頂珠珊瑚鉤諸名。通名指甲花。昔李玉英以染織織。從此九夏清閨。花房夜擣。十枝紅玉。人浸春冰。其子含苞易裂。名急性子。醫者因以意治難產。取韻者宋光宗爲榮州刺史。李妃名鳳娘。封榮國夫人。宮中呼鳳仙爲好女兒花。流芳本草。則清富山佛耳池之間。乃風流之國史。此花之陽秋也。

鹿蔥 詩蔥草也。一作蕨。或作萱。忘憂之草也。唐以來

昔以鹿蔥當之。北堂思伯婦念其夫不知何時乃以萱堂況母俗流忘返習不知非異矣。

胭脂花 花作管而張其上。色紅豔。故曰胭脂。黃白其次也。子黑。殼有黃膜。中如薏苡。人皆白粉。鄉中以糖製之。融脆宜養老。其本可食。云益人。

梔子 其花六出。西域曰薝蔔。以製油。膏沐之良。

頽桐 大葉頽花。俗曰荷包花。又曰百日紅。

荷 爾雅荷扶渠。其莖茄。其葉蓮。其本菴。其華菡萏。其實蓮。其根藕。其中的的中薏。說文荷扶渠。葉華未發爲菡萏。已發爲芙蓉。毛公傳詩皆以扶渠建首。按扶敷也。

榮 縣 志

物產第六

三

渠如未渠央之渠。助詞也。古初百卉莽莽。忽見大花被燦發聲扶渠。根實駭人。殆同芋旨。其莖葉以次乃徐爲之名。非驚喜贊歎意內言外矣。故凡花敷悅如渠芋也。木芙蓉阿芙蓉皆中國種。惟紅及白蒙林稱。佛譯則紅者波頭摩。白者曼陀羅。青者優鉢羅。黃者拘勿頭。異品相宣。崇其法諭。酉陽雜俎曰。藕能散血。今藕節醫猶用之。榮無陂澤。而署西唐池。此花頗富。劉兼八年刺史。特多吟翫。詩甚不振。以存鄉故。盡句甄之。夢歸故園云。紅蕖全謝鏡中香。呈戎州郎中云。風送秋荷滿鼻香。竹聲敲玉近虛廊。蓮塘鬢望云。新秋菡萏發紅英。郡齋云。晚

闌紅蕖簇水仙。又蓮披淨沼羣香散。酬句評事云蓮嫺紅香而郡樓初至郡界云蓮塘小飲香隨艇。陸務觀乃無一詩。蓋來去冬春間非花時矣。

葵 說文葵葵聲。按爾雅太歲在癸曰昭陽。邢疏甲至癸爲十日。癸爲陽。農事謂葵爲陽草。則葵之制字卽合向日之義。他葵雖多。蓋埊名也。向日葵亦名黃葵。左傳稱能備足。說文常傾葉不令照其根。西人言葉避疫。子敵牛乳。莖製肥皂。蓋嘉種。其名蜀葵者。爾雅曰戎葵。邵晉涵以蜀大也。非地名。按顏延之贊井維降精岷絡升靈則炳然蜀產矣。南部新書蜀葵作火把。猛雨中不滅。

榮 縣 志

物產第六

三

×。×。上。女

茨籬花 詩顏如舜華。毛曰舜木槿也。爾雅椴木堇。櫬木堇。鄭康成曰木堇王蒸也。潘尼曰木堇卽莊子之朝菌也。朝華暮落。白者入饌。

紫薇 一名紅薇。無皮。搔之全身皆動。碎霞爛錦。自夏經秋。唐白香山詩。自占芳菲當夏景。不將顏色托春風。宋梅宛陵詩。薄膚痒不勝輕爪。楊誠齋詩。誰道花無紅百日。紫薇長放半年花。皆紫薇譜也。宋韓子華於李右丞家移紅薇子種學士院。則以子傳種。而今皆折枝插之。榮則王培荀署中雜詠云。開軒北面小橋東。曲折回廊地數弓。一陣清香醒客醉。紫薇花裏過來風。署中紫

薇。今猶存者。

虞美人 益州草木記。出雅州名山縣。古漢嘉也。花如雞冠。兩葉相對。為唱虞美人曲。則舞。他曲則否。羣芳譜名舞草。按虞美人曲。大氏詠西楚霸王垓下事。史記有美人名虞。則虞乃名也。非姓也。女蓋以姓為名耳。後漢書順帝有虞美人。虞詩女。

秋海棠 一種紅。取花去蕊蒂。浸蜜水中。美容色。勝燕支色。種惡溼。宜陰。一種白。

桂 有丹桂。黃桂。月月桂。黃桂入餠餌。入油。香性重也。細子延種。忽者多。埽之。榮桂林名山。在城中。計古來小

榮 縣 志 物產第六

三

川行古文

山叢桂。連卷相繚。今六株。乃張軒鵬植。

木芙蓉 屈原九歌。搴芙蓉兮木末。豈意後果以此名花者。其花朝夕異色。世傳石曼卿為芙蓉城主。殆蜀所獨。全唐詩劉兼在榮州。詠木芙蓉。有霜照夜火。燒秋之句。頗得形彩。吳夢窗霜花腴。蓋汎石湖而作。南中亦多此花矣。有全紅者。不換色。能結子。尤佳。

菊 正作鞠。說文。鞠。日精也。以秋華。菊別一物。說文云。大菊。籩麥。郭注爾雅。鞠字云。以秋華。則又混鞠為鞠矣。鞠為治牆。別一物也。

雁來紅 黃者名漢宮秋。而紅種多。戊午。趙熙有鵲踏

枝詞。纔。嚙。霜。痕。先。醉。了。扮。出。紅。兒。強。向。西。風。笑。一。色。敗。營。涼。血。飽。雁。飛。時。節。年。年。到。葉。白。如。花。身。是。草。冷。入。蛩。邊。不。久。秦。宮。貌。老。去。少。年。終。要。老。有。人。早。畫。傷。秋。稟。蓋。丁。巳。戊。午。之。秋。有。軍。兩。年。來。刮。地。者。民。嗟。曷。喪。故。詛。之。不。久。軍。果。覆。奇。哉。識。也。

水仙 王壬秋日爾雅蒿山蒜水仙蒿也爾雅例凡云山者皆香物。

紅蕉 益部方物略記其花鮮明可喜蜀人語深紅者謂之蕉紅冬猶開駱賓王詩紅蕉臘月花。

年慶花 傅元紫華賦序紫華一名長樂花生於蜀蘇

榮縣志

物產第六

三

四六〇上

頰長樂花賦莖丹外而縞中葉縹分以紅貫益部談資長樂枝葉皆如虎耳草紫色小花冬末轉甚居人饋歲名曰時花庾子山小園賦花無長樂之心卽此。

梅花 繫以花別於古梅栴也花紅者園丁多其名綠萼香尤烈三百篇無此花蓋河之流域寒嶺外江南之花不入國風故也南宋雙溪梅最盛陸游詩仙穴尋梅雨墊巾自注卽地仙洞也昭德堂詩幽徑梅開只自香知署中亦暗香疏影眞官梅矣。

已上花類

竹 慈竹之用最廣家之器十七八倚竹外有筋竹苦

竹刺竹鳳尾竹水竹紫竹茨竹蘆竹其胎曰筍陸游詩
栝羹最珍慈竹筍榮今猶然其皮曰籜計其莖曰挺計
其數曰箇析之曰篋顧命敷重篋席篋玉篇作莫其裏
曰笨竹中白皮也牟聃傳太肥爲笨伯抱朴子行品杖
淺短而多繆閭趨舍之臧否者笨人也晉人以形況椎
魯蓋取蒙中之義。

斑竹 所在有之按禮記玉藻笏士以魚須文竹釋文
須音斑崔云用文竹及魚斑蓋以魚須飾竹邊也余謂
不用純物則象亦純物何以明云并珠玉哉今斑竹花
紋黑絳點散如魚鱗卽古魚須文竹矣。

榮縣志

物產第六

五

川川川〇上

枌竹 其材鉅故況以枌籜可製小器以爲筒受多物
并肆之要需曰篋。

芭蕉 古曰巴且粵蕉實可食又有可布者縣種不然
質含水重尤生疾少種宜。

葛 唐榮州貢品絲可爲布根入藥。

魚鱠串 煎雞卵食之止咳又有名透骨消者亦散血
止咳。

麥裏蒿 形類蒿而小多生麥田爾雅義疏謂卽亭歷

淮南繆稱篇云亭歷愈脹。

齊頭蒿 爾雅蔚杜藪也蘇恭說。

芸 說文。似目宿。沈括曰。今之七里香。

苧麻 古曰紵。陸璣詩疏。紵宿根在地。當春自生。俗曰

竈根麻。

藜麻 俗曰蠶麻。蠶音如郝。芒刺螫人。杜甫夔州除草

詩。其毒甚蠶。蠶明四川志。呼蝎子草。紅者已風。一曰葶

麻。元史有葶麻林。按禮有司徹云。乃藜尸俎。注。藜温也。

古文作葶。或作熇。熇藜古。今字也。淮南天文訓。火上葶

注。葶讀若葛覃之覃。說文。熇火熱也。覃熇聲同。是藜熇

熇一音之轉。皆取火熱為誼。言痛如灼。猶蠶蠶之刺。曰

熇。曰熇也。古今人情相同。人徙而方音移。轉離轉遠。實

榮 縣 志

物產第六

三

川文

則古非雅而今非俗。凡物命名多如此。

黃麻 一曰火麻。合繩之用。

艾 爾雅。冰臺也。冰臺合音曰艾。又曰吉祥草。醫灸用。

劉寄奴 金創藥。見宋書武帝本紀。

銅舌條 俗名酒米藤。性黏。可敷瘡。

酸漿 去銅垢。非爾雅葳也。

藍 鄭樵通志。藍有三。蓼藍染綠。大藍染碧。槐藍染青。

榮產皆槐藍也。西北山中。農業大宗。

薑黃 可染黃。古以葶艸蓋艸。

紅花 茅蒐。茹蘆也。一名茜。染絳。產西藏者藥之珍。

茅 古曰菅。大名也。仙茅可製筆。創自陳白沙。縣中菘茅所製。僅可榜書耳。說文菘茅秀也。茅葉似秧。劉兼官榮州句云。黃茅莽莽連邊郡。黃茅遍地住他州。陸游榮州句云。一起一伏黃茅岡。風乾茅有聲。茅荒無際客魂迷。又注。秋冬收薪茅甚急。想見唐宋縣境之荒。然荒者山也。西北多山。凡官者皆取道嘉定。由西來故。

巴茅 孟狼尾也。可覆屋。爾雅注似茅。

荆 楚也。俗曰黃荆。漚田。

牛孺子 左思賦。平仲君遷。司馬公名苑。君遷子形如

馬孺。今之造扇用此油。按鄉中牛孺樹。通其莖為煙管。

榮縣志

物產第六

三

川上上。上又

云已痔。卽製油者。

金剛藤 根染絳。莖為釧者之者如金玉。

通草 爾雅曰活菴。莖中有瓢。色白。製物多。

席草 鼠莞也。爾雅郭注。纖細似龍須。可以為席。蜀中

出者好。是晉時蜀中草席。已擅名於天下。

荻 一曰邁。淮南說林篇云。邁苗類絮而不可為絮。今

則製用轉精。為簞品之珍矣。

蒺藜 說苑。植蒺藜者。夏不得休息。秋得其刺焉。今之

鐵籬巴也。詩牆有茨。卽此。紅刺亦名茨。鄉中曰刺藜。布

地叢生。花紅靚日。實指大。味澁。刺周其身。藥中金櫻子。

也。葉可作茗。凡酸棗葉、蒺藜葉，又有名小黃葉者。貧鄉皆作茗飲也。

虎刺 植盆盎間。云救難產。陶隱居云：小薊是貓薊。大薊卽老虎刺。沈括云：予使虜，至契丹界，大薊茂如車蓋。然則薊州名薊，亦如荆、楚多薊耳。後漢以爲氏者，有薊子訓。

虎耳草 光緒丁未，縣患稊腳沙，證初無名。死者眾。後以此草同古錢煎水飲之，皆瘡。其驗之法，腹痛時試以銅錢入口而化，卽其疾也。以形揣之，性入筋絡，走血分，清涼已毒。

榮縣志

物產第六

三

川上。上。又

落 大名。爾雅：薄石衣，注水苔也。鄭樵通志：屋上曰屋游，屋陰曰垣衣。曰昔邪。石上曰鳥韭。地上曰地衣。井中曰井中落。牆上曰土馬驥。水中曰陟蒼。石上曰石花。松上曰艾納香。今通呼曰落。南中落入食品。

水蠟燭 李調元詩：竟是天生燭，居然照滿川。任風吹不息，經雨溼仍然。紅影搖波直，青藜逐浪圓。三條思往事，天祿愧當年。按京師燭葦心也。心皆牝。蜀竹心，心皆牡。蜀製酷肖水蠟燭，其初蓋法此而爲之。惜無北史劉懋其人，不然可入物祖也。

鐵線鵝腸藻、萍、四葉菜、扁莖、繡墩、茅、錐、蓼、烟草、金絲荷

葉蔥草老鴉蒜地瓜藤肥豬苗筆管巴葉肥地草過江藤多不勝載。

已上草類

黃精

俗名老虎薑益壽古多餌之。

金毛狗

即狗脊。

遠志

爾雅蔓繞棘菟。注今遠志也。博物志云苗曰小

草。根曰遠志。

昌蒲

古以為菹。

牛膝

紅色良。

天門冬

爾雅髦顛棘也。列仙傳赤松子服天門冬。齒

榮縣志

物產第六

三

川××××川

落更生細髮復出。

半夏

俗曰山磨芋。

貝母

爾雅首貝母。齒詩作蝨。

紫蘇

爾雅桂荏。內則曰薺。其白蘇一種。子可代脂麻

味甘。香遜之。說文繫傳曰荏。

薄荷

甘泉賦作芡菹。一聲之轉。紫者味尤辛。

豨薟

俗云肥豬苗。為丸服之。治風疾。唐成訥有進豨

豟方表。

威靈仙

俗擷苗煎雞卵。云已效疾。南部新書貞元初

山人鄧思齊獻威靈仙草。出商州。能瘡眾疾。禁中試有

效。特令編付史館。

當歸 爾雅。薛山蕝。廣雅。山蕝當歸。七修類稿。當歸川蜀為良。今則重秦州產者。

地黃 一名芑。說文。芑地黃。生肌肉。朝野僉載云。雉被鷹傷。銜地黃葉點之。

何首烏 俗曰翌格達藤。

續斷 俗曰刺蘿蔔。

益母 詩曰。雅。芑蔚也。韓詩說。曾子見益母而感。

商陸 爾雅。遂。傷馬尾。郭云。馬尾商陸。俗名山蘿蔔。

常山 一名鴨屎草。

榮 縣志 物產第六

澤瀉 爾雅。瀹。鳥也。聲轉。蕒。詩言采其蕒。疏。今澤瀉也。

肥田秋後種。

車前草 詩曰。芑。芑。爾雅。芑。芑。馬。鳥。車前。陸璣云。其子

治婦人難產。

蛇牀 爾雅。虺。牀。

使君子 蔓生。夏開。一簇。一二十葩。紅如海棠。出竹園

鋪者六棱。

香附 莎草根。爾雅。鎬。侯莎。其實媿。易生。妨農者。

青木香 禦瘴氣。見北史。樊子蓋傳。

藿香 俗曰魚香。

茴香 俗曰馬尾香。

金銀花 說文曰蕊冬。

貫眾 爾雅灤貫眾。

山藥 古山芋。俗名風車菖。食之美者。

百合 食旨。可為粉。

射干 俗曰寸干。

葶麻子 西法為要藥。

木鼈子 可造油。

五倍子 六月摘之。瀹以沸水。其蟲盡死。俱染用。

茯苓 古作伏靈。雲南有栽苓法。藥止產土茯苓。醫方

榮縣志

物產第六

三

三三〇。一

以治瘡耳。惟縣北老林口。里許有松結蓬。日光照之。嘩如孔翠。相傳已數百年。光之所注。下孕茯苓。視市售者。判仙凡矣。

枸杞 沈存中曰。枸杞陝西極邊。有高丈餘者。可作柱。

千金翼云。上者實如櫻桃。少核。暴作餅。極膏潤。縣差小。

惟苗為嘉蔬。

地骨皮 枸杞根也。

冬青 一名女貞。俗名爆格蚤。宋史五行志。大中祥符

九年。十月。公井縣冬青木連理。蜀語冬青。俗曰蠟樹。按

今蠟有專樹。無飼之冬青者。然據知冬青古可飼蠟。非

藥材矣。子蒸暴之。入藥良。

棟 花信風之棟花風。此棟也。子曰苦棟子。殺疔蟲。

茱萸 茱屬。爾雅曰檄。內則三牲用藜。注藜煎茱萸也。

巴豆 華陽國志江陽郡有巴菽。菽即豆也。榮今東南

即漢江陽境。淮南說林訓云。魚食巴菽而死。鼠食巴菽

而肥。

青果 橄欖。一名諫果。海外人注油曰橄欖油。入藥點

生蔬皆良。

五加皮 一名文章草。作酒麴。蜀異物贊。文章作酒能

成其味。

樂縣志

物產第六

三

寄生草 小雅曰蔦。爾雅。寓木宛童。本草云。桑上寄生

也。

南藤 宋蘇頌曰。出榮州。一曰丁公藤。南史。解叔謙母

病風。得神賜丁公藤而瘳。

夏枯草。雞兒花。兔耳風。荆芥。蒙花。槐角。桑皮。瓜。蓼仁。槐

子。仙茅。木通。麥門冬。雞矢藤。一支箭。箭桿風。龍膽。釋氏

書善財。徧觀大地。無不是藥。不備載。

已上藥類

椿 香椿也。以芽重。皮可已寒疾。縣多有之。趙熙曰。吾

鄉宅在城北五里宋垣。吾父中憲公植一椿。光緒乙酉。

蘇浙家植戶習。孟子所謂牆下者。故利甲於天下。蜀則嘉定潼川爲盛。犬氏宜水鄉也。蠶事方急。時有小黃蟲大如穀。黃身黑鬣。羣飛薨薨。而桑歷劫矣。濱水者稍安。攷其故。地氣潤則草露重。蟲不喝。故燥地易蠹。或植山阿。冀風搖枝拒之。究不如濱水者安也。柘漿苦。葉與甲然獨不招蟲。則地燥多種柘宜。爾雅桑繭。樛繭棘繭。樂繭。蕭繭。繭原多族。古無棉。故麻絲之法惟精。今失傳矣。相物土之宜。謀所以輔桑者。惟柘宜。化無用爲有用。是在智者。

金雞蠟 制蟲已瘡聖品。海西人於清富山建福音堂。

榮縣志 物產第六

三

川西文獻

試種數株。縣浸廣植。再諳鍊霜之法。溥給民用。其效制蟲已瘡之外。健胃益神。補劑品也。常服品也。生生之靈籥也。惟不宜日入則瞽。

青皮樹 似柘。山蠶食。鄉人以其葉爲神香。

機 柘欄也。歲剝其皮爲薦。祛溼爲箱。爲蓑爲履。爲繩。爲蒲團。云蒲者。柘欄之合聲也。抽其縷爲帚。爲拂。爲笠。爲一切精巧之物。其嫩葉近年爲帽。江海通尚焉。其筍生焉。筍中可食。蘇子瞻詩。序剖之如魚子。味如苦筍。蜀人用以饌佛。蒸治與筍同。蜜煮酢浸。可致千里外。

松 榮山縣也。西北山山宜松。東南亦松竹名寺。道光

時城中亦松風合籟。王培荀詩山上松濤聒耳忙。自注署後鳳鳴蓮宇諸山。祠廟間松杉最多。蒼蒼然松國也。自鐵廠土法煉礦。寄鐵命於木炭萬山童矣。今漢陽各銅鐵廠專用石炭。胡守土法而不知變哉。匪松之窮將鐵之絕矣。

柏 縣東南宜柏。野客山尤多。然地日闢則柏日少而直日昂矣。沈括言柏之指西猶磁石之指南。莫原其理。側柏宜藥。筆柏宜園樹之玩。

杉 爾雅被櫛也。櫛今作杉。油杉者棺之良材也。埋之不腐。按俗呼沙樹。人以爲杉之譌。實非譌也。桂海虞衡榮縣志 物產第六 三 志。沙木與杉同類。尤高大。葉尖成叢。穗少。與杉異。是縣產確爲沙木。類杉非杉也。

紅豆 一名相思樹。結子如丹沙。如珊瑚。其材多紋而色光者曰油紅豆。製器良。閩者曰糠紅豆。

香樟 古曰豫章。蓋棟梁材也。可造樟腦。

梧桐 說文榮桐木也。桐榮木也。爾雅榮桐木。注卽梧桐。攷舊唐書武德元年於公井鎮置榮州。取界內榮德山爲名。榮德不知所昉。揚雄蜀都賦置酒乎榮川之間。宅西漢蜀川。榮之初見僅此。今榮地多以梧桐傳者。曰梧桐山。曰梧桐溝。曰桐子林。曰桐麻林。曰桐子塢。名有

古有不古。要證葦葦萋萋之盛。引申之曰鳳鳴山。曰旭井。曰旭川。皆取卷阿梧桐朝陽詩義。則榮德榮梨榮隱。因事立名。在古實三代雅訓。必非不學者可偶合。例如城東玄囂崖。自鄉毗觀之。聳身已甚。而通識知非臆船者。源青陽也。

槐 實入藥。曰槐角。花染黃。

夜合 唐竇叔向詩。夜合花開香滿庭。白色入藥。紅者曰馬纓。雜說門前一樹馬纓花是也。省其形。草中含羞草。殆一類。

青桐 古曰椽。山海經。景山之杵。爾雅之桐杵。詩之苞

榮 縣志

物產第六

早

山。上。

桐杵枝。漢之五杵。說文集韻之樣。皆此物也。葉可染皂材。鎔炭。實曰櫟。櫃子。貧民確食。疑桐卽櫃之轉。

黃棟 質重。凡鎮壓之物多需之。油榨其一也。

黃葛 據水經注。黃葛峽。則黃葛之名古矣。寰宇記名羅日黃葛爲嘉樹。鄰近境也。蓋榕類。何時栽。何時生。葉不與眾木爲春秋。新葉如花。形奇古。如蛟螭糾結。縣極多。凡山坳水次道周。皆是以根紐能固砌。所蔭廣。又休行者。此其利也。多汁。不知化合可製物否。而燒無燄。不中薪。拳曲不中梁柱。號爲不材。年久易鉅。北門李家垣。乾嘉時鄒氏種。大於九牛身矣。全唐詩。劉兼詠榮州黃

葛云。葉如羽。蓋豈堪論。百步清陰。鎖綠雲。善政已聞思。

召伯。英風偏稱號。將軍靜鋪講。席麟經潤。高拂缺二兔

影分。更有歲寒霜雪操。莫將樗櫟擬相羣。

楸 有刺者曰刺楸。俗名鳩不住。無刺者曰光楸。

椽 有刺。玉篇。椽木名。似槐。葉黃。

楓 爾雅。楸也。俗名楓果樹。其果有刺。客酒可去風。

橙 枝中莖。葉糞田。三年成材。杜子美有詩。而蘇子瞻

詳記之。趙熙曰。山海經。單狐之山。多机木。郭注。似榆。可

燒以糞稻田。出蜀中。音飢。揚雄蜀都賦。亦曰春机楊柳。

是橙。卽机也。余宣統時。爲人書杜蘇故事。湯藝仙見之。

榮 縣 志 物產第六 聖

曰。是必宜燐寸。當種試之。鄭蘇堪言。海西新售樹種。可

函購。七年成材。長數丈。大合抱。而理堅。譯言如橙。當時

已種海藏樓。是與蜀橙異類。因坳箸其利。

柳 種類繁。而植者少。蓋北方以柳製器。而此聞竹器

之良。利用百倍於柳也。黃河以柳固堤。而榮爲山縣。土

質又不浮也。惟垂絲柳。偶助園境。龔巽官榮。於此君軒

種金縷柳百餘本。見署中詩。今無存者。按張緒傳。劉悛

之爲益州。獻蜀柳數株。長條若絲。武帝命植之。太昌靈

和殿前。常賞玩。咨嗟曰。此楊柳風流可愛。似張緒當年。

據此垂絲柳。乃蜀種。柳枝吟於天下。而蜀國之依依者。

柳祖也。

構 穀也。其葉初生可為茹。陸璣詩疏。江南人績其皮為布。又搗以為紙。曰穀皮紙。史記殷本紀。桑穀其生。大戊修德。桑穀死而去。凡異皆宜修省。若值後世。則連理上瑞矣。於此見古道之樸。

凍綠條 染坊之需。削皮染布。出缸色黃。凍之則綠。

黃楊 厄閭古說也。成材難。宜製玩器。六一有黃楊樹子賦。

臭椿 樗也。似椿。葉臭不可食。人謂之野椿。爾雅釋文。

引方志云。標樗漆相似如一。標之言熏也。即香椿也。

樂縣志

物產第六

三

川名上三

樗俗謂野漆。

馬桑 今馬桑叢生。迺灌莽耳。而百年前老屋梁柱合抱。故老多言馬桑為之。縣北五里之山曰七星石。其下名馬桑林。即宋垣東偏。濯濯然瘠區也。數十年前。沿溪森林陰曠。傍晚傳為鬼窟。怪禽雨嘯。夜禁行人。又往時北行不十里。羣山如墨。號為老林。盡一僮之薪。不百錢而售。今童無一木。闢畛如百衲矣。則馬桑昔為巨材。不虛也。人滿矣。有業則庶富。可幾無業則游民乏食。斯亂之源。故非馬桑之為慨也。近有天演論者。其說主優勝劣敗。其然耶。誠恐民自天殖。天刈之如馬桑也。

羅漢松 胡致堂曰本名仙人柏不知何時冒松結實如人跌坐故曰羅漢龔巽官榮此君亭詩注謂清富山一株宋物也今惟鳳鳴山此君軒有大合抱者俗呼娑羅樹按西陽雜俎巴陵有寺自生一木隨伐而長西域僧謂名娑羅天寶中安西進二百莖開元十一年李邕官海州作娑羅樹碑云東瘁則青郊不稔西茂則白藏有秋歐陽修定力院七葉木詩常于佛家見宜在月宮生是娑羅非羅漢松也

烏木 一曰陰沈木光緒中西郊陽雀灣埴瓦者掘土得之理緻色黝鄉人審是麻柳樹蓋太古入地中者按

藥

縣

志

物產第六

墨

川上之。分三

逸周書王會篇卜人以丹沙夸用闔木注烏文木色正黑如水牛角古今注謂之鑿木木之鑿猶石之鑿也集韻闔音焦

已上木類

燕 常鳥也舍人注爾雅以嵩周當燕郭璞乃云子規榮暑樹閒昔年巢白燕惜無能詩如袁凱者

鷺 一名黃粟雷以其音瀝溜也今作鷺詩有鷺其羽目鷺名鷺猶目翠名鷺也

梁山白 此鳥華彩故人以晉時善卷洞事況之紅曰祝英臺白曰梁山白黔中曰山鳳皇宋以來詩詞則稱

紅練白練。一曰挖練尾。按其時據其形。卽戴勝也。魏宋均注孝經。援神契。朱鳥戴聖。荷勝似之。聖勝音通。今其鳥首如鴨頭。緣彩冠如角。卽勝也。絳身長尾。弄吭花竹。閒卽朱鳥也。曰練者尾之垂。曰勝者首之絢。詩曰戴勝降于桑。春和時。舍是別無朱鳥。故知爲戴勝也。禽經練鳥亦名帶鳥。帶卽戴也。

桐花鳳。但獻之云。榮之北山有之。

陽雀。子規也。爾雅。鶯一名周。劉逵引蜀記曰。昔杜宇王蜀。號曰望帝。宇死。俗云化爲子規。聞子規鳴。以爲望帝也。古俗樸。人心信神尤虔。非特子規然。山海經皆近

榮縣志 物產第六

蜀 川三三〇一八

神書也。又曰杜鵑。玉篇曰鷦鷯。王逸注離騷曰鷦鷯。曰買鷦。凡鷦鷯鷦鷯。皆近所鳴之聲。故俗曰里桂陽。金川瑣記。又以爲桂。桂陽。宋人天津橋。聞杜鵑。致慨國運。瀘州高大令楷曰。鷦飲秧水所化也。曾籠飼之。夏季羽漸枯。及秋仍爲鷦矣。清季京師亦有聞杜鵑者。蓋裂帛湖上新種稻。如大令言。

布穀。古鳩鳩也。月令鷹化爲鳩。鄭注以搏穀當之。周頌小毳。鄭箋鷦之所爲題肩也。陸璣以鷦爲鷦鷯。隼爲題肩。恐大小不倫。左傳注引方言。以鳩鳩戴勝爲一物。皆古說之不審者。列子言鷦化則信。

秧雞 生聚秧田中。長腳。偃之急。則藏其頭。

鐵雞 夏鳴秧田中。黑色。長脰。大如雞。其聲等等然。鄭子尹詩。鐵雞斷翹。鳧敗翁。按揚雄蜀都賦。杭田孺鷺鷥雉屬。名孺鷺者。取其小於鷺。非謂雉屬也。

八哥 鸚鵡也。荆楚歲時記。五月五日。取鸚鵡教之。語好巢。絕壁崖穴。鄉童或縋取之。

竹雞 制白蟻。東坡云。蜀人謂為雞頭鶻。黃州詩。所謂泥深白厭雞頭鶻也。梅聖俞禽言詩。悉指所鳴為首。竹雞云。泥滑滑。苦竹岡。雨瀟瀟。馬上郎。極為六一所賞。

野雞 雉也。爾雅區類夥。急就則雉野雞為一。史漢野榮縣志 物產第六 雉

雜夜鳴。言鄉中雞。與家雞對言也。王引之遂以雉必不名野雞。非通識矣。榮有赤者。黃者。白者。青者。皆黑彩成文。雌雉所據山。他雉入則鬪。如封守然。蕨叢生成薄。曰蕨籠。雉所也。

山鷓 似鵲。而尾長。背曲如鉤。其音查查。朱竹垞詩。查查山鷓繞檐飛。是也。王漁洋山鷓詩。秋葉下庭樹。飛來山鷓鳴。知唐人山鷓鳴詞。即斯鳥也。

鷺鷥 爾雅鷺鷥春鉏。注云。白鷺也。頭披背上。皆有長翰毛。今江東人取以為睫櫛。名之曰白鷺縷。按睫櫛即接離。杜甫詩。狂遺白接離。是也。今海西尤尚其羽。等於超

宗鳳毛矣。

牛矢八 冬季千百羣飛犬氏名鳥多取鳴及羽云八者其飛汎汎然老學庵筆記鷓巴北方名札八是其例白頭公 俗曰白公頭與白頭翁別白頭翁其頭純白能言。

黃雀 色赭黃翅黑中嵌片白鄉名黃黨黨廣雅黨美也善也錢繹曰相親愛謂之善呂覽夷吾善鮑叔是也相親暱亦謂之黨左傳無田從黨是也今婦女愛子故習其黠每曰黨黨兒黃曰黨黨愛之也。

阿鵲 俗呼阿如鴉說文知來事鳥也行人將至則噪榮縣志 物產第六 巽

於庭故又曰喜鵲。

斑鳩 方言作鴉鳩鴉音斑舍人說鳴鳩曰今之斑鳩是西漢已稱斑鳩也。

叫斑 雛也陸璣詩疏云雛今小鳩也又云鴉鳩灰色無繡項陰則屏逐其匹晴則呼之鴉爲夫不合聲故毛傳云雛夫不也爾雅作鳩鴉。

烏 以色名說文云孝鳥言其德也色純黑故詩曰莫黑匪烏。

黃鸝鳥 俗謂黃鸝老鴉所鳴則其里有喪。

鴉 古作雅其聲鴉鴉故名古曰鴉斯曰卑居小爾雅

云小而腹下白不返哺者謂之鴉鳥。純黑返哺者謂之慈鳥。實則鴉鳥古一聲也。

水老鴉 鷓鴣 漁畜。

雀 其鳴節節足足故名。雀嘗棲人堂宇故謂之賓雀。俗曰麻雀蓋瓦雀之音逆也。南人曰荷花雀入水為蛤鄉中猶目諛之。

鷓鴣 似雞。雛居有常匹。飛則相隨。故詩以起興曰鷓鴣之奔奔。

畫眉 以眉名。聲清脆可聽。

點水雀 脊令。雖渠也。飛則鳴。行則搖。不能自止。故詩

棠 縣 志 物產第六

罍

川一〇六

人以況兄弟之誼。

大觜巴 桑扈也。爾雅桑扈竊脂。注云觜曲食肉。

啄木 爾雅鴛斲木。紀昀曰僕李福登木杪以杙塞其

穴而鋸平其外。啄木返翩然下樹以喙畫沙若符篆。杙

錚然自拔出。又云萬法歸宗載是符。縱橫交貫略如小

篆兩無字相並之形。不知果與啄木所畫無二否。

鳶 今所謂老鷹巖鷹皆鳶也。爾雅鳶為醜其飛也翔。

鄭注周官云。鳥鳶善鈔盜。今所稱老鷹巖鷹者其盤於

天也。翼直刺不動。鈔取如襲。故知為鳶矣。

鷓 爾雅曰鷓負雀。注云鷓鷓也。有褐白二色。古云魯

仲連如黃鷄子。褐色也。白曰鷲。爾雅鷲白鷲也。

鷹 鷲鳩也。爾雅鷹隼醜。其飛也翬。說文翬大飛也。小於鳶。大於鷂。鷂之飛也捷如擲。然鷹則擊物。其飛猛勁。唐五坊小兒鷹坊其一。今京師多臂鷹鷂者。殆唐風也。傳玄鷹賦動翻二六。杜甫角鷹詩鞞上鋒稜十二翻。又目如愁胡。視天地凶。瞬惡。尤善狀鷹者。

貓兒頭 爾雅萑老鷄。注木兔也。兔頭有角。毛脚。夜飛。廣雅鷁鷁茅鷁也。又爾雅狂茅鷁。注今鷁鷁也。按萑下從隹。个象其角。鷁從鳥從兔。則鷁鷁卽鷁鷁。但目或大小。遂析多名耳。鄉稱貓頭。猶古兔頭。據形取肖。自古皆

榮縣志

物產第六

吳

八八〇三

爲妖鳥。輒云所鳴有旤。見周禮庭氏之官。唐韓愈射訓狐詩。猶以況。伾文輩也。然古說正難盡詰。如鬼車者。今所稱九頭鳥也。歐陽修詩。咿咿啾啾。若軋若抽。又如百兩江州車。回輪轉軸聲啞啞。曲繪悲音。每陰雨無不聞者。周密言。淳熙間。李壽翁守長沙。募人捕得之。身圓如箕。一脰九頭。頭各競進。翅不相用。景定間。周漢國公主下降。賜第嘉會門左。忽九頭鳥。据擣衣石。是夕主薨。其言鑿鑿。指實亦如今傳。目諛者然。依次究之。大都以耳遞嬗。光緒中。趙熙主重慶講席。澤國陰霖。時聞此鳥。有陳醫者。夜伺啾啾。發銃遂落。乃寇鳧也。寇鳧者。江東小

鳧其多無數。見郭注方言。嬉雨成羣。遂淆眾聽。亘古疑
灾。立時昭徹。古救日之弓。救月之矢。不敵一銃之力也。
鳩 爾雅。鳩。天狗。注云。青似翠。食魚。今日打魚子。
獺厲。散。梟也。食母。人言所鳴處。生口舌。漢律。夏日至
捕梟磔之。

鶴。撒火。山和尚。黃金雀。豔山紅。護花鳥。水道士。箒雞。姑
惡。不備錄。

已上鳥類

牛 牝曰殺牛。牝曰捨牛。舍聲。逐沙。俗曰沙牛。劇者曰
犍。廣韻。劇。以刀去牛勢也。牛子曰犢。自古皆以任耕。山

榮縣志

物產第六

晃

川。上。

海經。稷之弟曰台。璽。生叔鈞。又曰叔鈞。是始作牛耕。故
冉耕。字伯牛。司馬耕。字子牛。說文。耕。訓。犁。新序。鄒穆公
曰。百姓飽牛而耕。推。攷。工記。賈疏。兩腳耜用牛耕種。則
耒耜之作。即用牛耕。遠在神農。叔鈞猶後。世言漢志。趙
過。牛犁。後漢書。王景。犁耕。特一方習俗。托始云爾。榮縣
耕田。皆水牛。上林賦。注。沈牛。水牛也。能沈沒水中。金花
殿。山家習牛種。黃牛。以運石炭。古則黃牛。皆任耕。晉語。
宗廟之犧。爲畎畝之勤。卽黃牛也。往時父老多戒食牛。
自近俗。以衛生。相煽。市論漸變。又利其皮角。規害理之
財。牛日少。日貴。按淮南高誘注云。牛者所以殖穀。民之

命也。是以王法禁殺牛。犯者誅。魏志。陳矯傳。耕牛少。殺者罪至死。晉書。張茂傳。殺牛有禁。唐赦文曰。十惡五逆。火光行劫。持刀殺人。官典犯賊。屠牛鑄錢。合造毒藥。不在原赦之限。五代唐莊宗紀。殺牛隨在處斬。訖奏。宋淳化中。詔屠牛者處斬。張詠尹益州。李順黨殺牛許首。顧望就命。斬之。明太祖定充軍例。歷代嚴禁森然。豈都不知衛生者。何天理仁心。一轍相符如是。或以古太牢爲辭。豈知天子無故不殺牛。一歲重典有限。或以回教食例爲辭。豈知天方書云。市有懸牛。聖化不入。且孽罪非止佛家言也。凡操刀執凶業者。襍市井中。氣象夔異稠

榮

縣

志

物產第六

辛

八八。三

人豕見之。嗅犬見之。吠。西士言牛剖之後。眼中受光之膜。以精鏡察之。庖丁面貌裝服。一一畱影不滅。凜哉。冤氣也。吾榮山鄉氣厚。幸不人具奴性。盲從世習。開嗜殺之風。敬請仁者。平情思之。牛少而地失耕。人事患乎否也。服亘古之勞。畱我民命。力一生之穡。養我人羣。任穀餼之堪哀。轉屠割之不恤。天道容乎否也。

豬 農家倚其力。曰血財。蓋資其糞。貨其肉。餼其子也。色尙白。隆昌者良。毛售海外。黑白不襍。倘斃其技。是物皆能自製。智者之事矣。鄉中賦之食。鵝腸草。青菘。糟糠。油滓。壯乃飼玉蜀黍。揚雄蜀都賦。糴米肥豬。將漢時農

有餘粟耶。爾雅區類至晰。其曰奏者。羶郭注。今羶豬短頭皮理腠蹙。按奏有聚意。說文煖水上人所會也。腠蹙正以釋奏。俗則通行皺字。急就篇豕之三毛聚者曰豬。是奏者乃專豬之名。今詈人愚動曰羶豬。曰皺頤體羶者羶也。皺者奏也。實雅訓之遺焉。至明正德中。武宗以國姓朱音同。豬生於亥。本命爲豬。發帖禁民間喂養宰殺。見沈德符野獲篇。洵狂且矣。

犬 常犬外。小者曰京狗。意獨獠種也。近有西洋狗形較大。意挑種也。牡曰牙狗。易獠豕之牙。冒頓遺高后書曰孤債。債積義近。故豕於犬曰牙矣。牝曰草狗。爾雅榮縣志。物產第六。三。馬牝曰捨。注草馬名。牝馬不充服役。常牧於草。故豕馬於犬曰草矣。

貓 詩禮爾雅諸子皆有貓名。許製說文。獨無貓字。按詩有貓有虎。傳貓似虎而淺毛者也。爾雅虎竊毛謂之羶貓。是貓猛獸也。今家畜者狸耳。而曰貓者。猶犬之稱曰狗。爾雅則熊虎醜。其子狗也。皆以猛者醜之耳。尸子云貓牲。莊子秋水篇云狸牲。廣雅亦云貔狸貓也。今呼貓者。猶作其音如貓狸。成都多鼠。捕有賞例。仿西法防鼠瘟也。榮家畜一獸。而食黍穿墉者。猶多。蘇子瞻云。養不捕之貓。殆可哂已。

雞 雞有多種。縣無祝雞者。故皆常品。爾雅雞大者蜀
蜀獨也。凡獨一無二者皆含大義。人家間養蜀雞。重至
踰十斤。食品喜烏肉。杜子美詩。渝風傳烏雞是也。黑白
襍者曰竹斑雞。相傳動宿疾。雄雞俗曰叫雞。以司晨名
也。凡雞食毒物則鳴不以時。櫛中雄雌相見不相近。雄
亦鬱氣成卵。堅如栗。治目皆奇效。詳紀昀筆記。鄉人習
有之。皆非雞。齏然修省固善。母雞西種有多卵者。月計
二十餘枚。而少肉。今無其種。抱雞或二首一身。卵氣所
致。非雞。旣綫雞。閩雞也。宋戴復古詩。區別鄰家鷓。羣分
各綫雞。自注。閩雞一綫作一羣。各綫則別作一羣。綫之
榮 縣 志 物產第六 三

所繇傳也。

榮 縣 志

物產第六

三

川文。上X

鷓 爾雅舒鳧鷓。注鷓也。榮多鷓。販數百成羣。放數百
里外。匙燒鷓者。蓋戕生以窮口腹之欲。孽也。冬季腊之
曰板鷓。榮顧有名。懸物命於門肆者。纍纍矣。

鵝 爾雅舒雁鵝。按詩弋鳧與雁。則古者田獵野物。爲
禮物之不供。取諸家畜。舒從舍。從予。予亦聲。舍市居也。
引申之。則家居亦舍。舒雁舒鳧。卽家雁家鳧。家雁鵝也。
家鳧鷓也。

鴿 畜者攷辨佳惡。宛然相鶴經也。周禮六禽。鴿居其
一。宋曲端以鴿點軍。西夏藉鴿詭戰。燦在史籍。今海西

偶爲軍用。趨風者遂交談之。其慎可哂。若鄉之人。祇圖飛而已。雖繫書通信。如天寶遺事。西陽雜俎所傳。不知也。縣署向畜千數。官替列入交代。國變無一存焉。

已上畜類

虎 榮舊多虎。筠山虎。陸游詠虎洞。牟阿回打虎。皆有詩。光緒中。楊家場獵一虎。國變後。劉家場獵一虎。趙熙曰。吾寓禮園。習見生虎。究其性。喜潔。溲處塵處瓦礫處。弗臥也。巢於穴。不林居。愛其文也。善驚。一錢墮地。鏘然驚矣。劍晃之。驚矣。筆指之。驚矣。微聲微影。皆驚。蓋警也。習近人。弭然自安。裸者至則怒。衣裘者至則怒。毛也。肉

榮縣志

物產第六

三

川文一〇三三

也。思噬也。虎色不一。居易錄。僂叢衣虎。朱虎取猶。意卽獅也。參者李叟言。所見虎皆黃斑色。他獸聞其聲若顛。觸其氣若癸。柙外腥臊遠聞。春秋哮如貓。思牡。李叟年六十矣。僂僂然行。孔孔然歎。羸若將就木。而狎之叱之。弄之。督其洩。摘其須。惟叟之欲。婦柙張其門。虎悚不敢出。一日出。繫之入。卽入。命之旋於地。曰滾卽滾。無不如命者。莊生說梁鴛。猶慄慄然。李叟天然梁鴛矣。或曰。在深山中。恐不然。

香爲子 趙熙曰。果子狸也。當作香獐子。唐皮日休詩。果教獐子供。吳都賦。獐子長嘯。蓋猿屬。以嗜果同。故曰

獬而以香別之。獬或作蜚。上林賦。獬胡。穀。蜚。郭無注。亦名牛尾狸。東坡有送牛尾狸與徐君猷詩。韓子蒼引西陽雜俎云。肉甚美。本草注。牛尾狸專上樹食百果。冬月極肥。亦名獬狸。宋沈括言。契丹珍獬狸。形如鼠而大。穴居。食果穀。嗜肉。味如狍子而脆。刁約詩。密賜十獬狸。又名玉狸。陸游成都大智寺詩。新糟厭玉狸。又名玉面狸。明仁宗初。光祿卿井泉奏。遣正官往南京採玉面狸。帝叱之。又名香狸。俞正燮引西陽雜俎。香狸有四外腎。自能化。又名香髦。楊慎曰。楚辭稱文狸。滇中稱香髦。自爲此。山海經。宜矣山獸名。類者也。性食蛇。故肉美。

榮

身

物產第六

畜

XIIO LX

粵人言肉以蛇極美。故也。縣西北山中。玉脂秋肥。珍嶮熊白。捕法以蛇爲餌。於酸棗樹求之。

豪豬。如蝟而大。全身豪刺。刺白本而黑端。怒能竦以射物。山海經注。狙獠也。清西北山時時有之。國變後。長山橋忽產成羣。鄉農一日擊十餘頭。繼不常有。

獾。說文。獾。野豕也。又有狗獾。鄉人云。

兔。古以白兔鳴瑞。榮則多有毛如雪。目如珊瑚。其黑其斑。其褐。趨趨者皆是也。舊稱吐而生。實不然。毛爲筆材。古今注。秦蒙恬造筆。鹿毛爲柱。羊毛爲被。所謂蒼豪。非兔豪也。則兔豪始晉漢間。左思詩。弱冠弄柔翰。則兼

用羊豪雞豪矣。唐封演以蜀無兔鴿。隋楊秀封蜀王。齊至益州。寰宇記同。因檢揚雄左思蜀都賦。果無言兔鴿者。而張載白兔樓詩。蜀中作也。

野貓 形似貓。古曰狸。善伏。

黃鼠狼 爾雅曰鼪鼠。郭云。江東呼爲鼪。卽莊子秋水篇狸狌。徐無鬼篇。鼪鼪也。其毛爲筆曰狼豪。

猩猩 民國十六年。偶出。

豺。豹。野豬。猴。獺。狐。鼠。均產

已上獸類

蜜蠶 甬蜜古今字。縣無顯業。農家偶懸數桶而已。西

榮 縣 志

物產第六

蠶

川X上。上川

人養蠶法。譯有成書。苟業之。亦厚利也。鄉中以菜花相花爲釀蜜大宗。其蠟曰黃蠟。酒人忌觀之。感其螫也。蠶之刺曰燭。言痛如火燄也。山海經草木之刺曰傷。方言曰壯。沈括曰。醫家行灸。以一灼爲一壯。凡立名於蠶之燭。同意。黃山谷蜜蠶詩。秋成想見香租入。菊露楓膠蜜幾脾。日日山童掃紅葉。蠶衙知是主人歸。出語芳雋。山鄉其師之。

土蠶 名青絲黃絲者。小蠶也。據爾雅郭注。大者卽俗稱土蠻禽。宋沈括言。劉易隱王屋山。見蛛網大蠶。遭螫墜地。腹鼓欲裂。旋嚙芋梗。以汁自磨。螫患遂消。芋之莖

曰蕨。見廣雅。今師蛛法。良諛。

胡蝶 廣雅曰蛺蝶。種類繁。視蛹之大小。蟲之文色。而化之。列子胡蝶胥也。化而為蟲。胥蘇也。蟲為蛹。若蟄矣。忽然而為蝶。如寤之醒。故曰蘇也。張湛偶失之。其大者名鳳子。尤彩麗。

蜻蛉 爾雅。虹蛭負勞。列子曰厥昭。六足四翼。色不一。皆靚。淮南子。水蠶為蠅。故俗呼蠶虹。蠶馬聲轉。燕曰馬郎。故又曰馬馬虹。

蟬 爾雅。其名至析。鄭樵以七月後鳴者曰蟬。五月前鳴者曰蜩。大如雀。黑色。鳴聲者曰馬蜩。

榮縣志

物產第六

美

川文。六三

天牛蟲 段成式曰。長安夏中。天牛蟲出籬壁間。必雨。天牛蟲。卽黑甲蟲也。七諷之皆應。按此蟲甲堅。長須二。節勁如角。觜箝木最利。將雨。輒聲揚以長。遠徹林表。俗呼天曰牽。

蠛蠓 莊子名醯雞。凡陰晴雨之兆。空中亂飛。郭璞所謂風春。雨禮者。齧人。小如鍼鼻者。曰蠛蚊。

螢 禮記。腐草為螢。詩。熠燿宵行。不指何物。毛傳。燐螢。火也。蓋推其熠燿之故。因含燐質。求其物。以螢實之。古今注。一名熠燿。不思熠燿其羽。豈以名乎。倉庚。非達詁矣。夏小正。八月。丹鳥羞。百鳥。丹謂螢。白謂蚊蚋。羞者食。

也。是螢亦爲人捍災禦患。荒鄉老屋有蟲如螢。喉下光如螢。魂魂而動。於名無攷。淳儒被之曰宵行矣。

蚊 水草多處其生。繇不止子子化也。爾雅鷦鷯母注。

俗說此鳥常吐蚊。宋周密言嶺南有蚊子木。塞北有蚊子草。聊資談助爾。范文正詩飽似櫻桃重。身如柳絮輕。

蘇子瞻詩飛蚊猛捷如花鷹。風定軒窗飛豹腳。喙尤毒也。近海西以蚊傳瘡毒。而種金雞蠟樹避之。考實之事。

古不如今。中不如西。蚊其一也。

蠅 詩曰青蠅曰蒼蠅。穢蟲也。能傳疫其卵化蛆。

蟲 痘證轉黑瀕危者以狗蟲七枚。備碎和醋酒調服。

榮縣志

物產第六

卷之三十三

神效。夏月。蟲在狗耳中。見周萃窗記。牛痘行而此災少矣。

打卦蟲 小羽蟲之黑甲者。仰之能挺。匈自擲其身。如

投杯玦。大者長近寸。首赤。身金綠色。說文曰。蜚。釋名。蜚

似蜚蟲之色。綠而澤也。唐人曰。夜飛蟬。韋侍御使婦贊

杜工部楊夫人者。宋祁益部方物志。金蟲。蜂體綠色。光

若金星。里婦取佐釵環之飾。

綠物 物音如舞。爾雅蜚。蜚。注。甲蟲也。大如虎豆。綠

色。攷工記。鄭以爲發黃。孫炎云。翼在甲裏。

推矢蟲 爾雅。蜚。蜚。注。黑甲蟲。噉糞土。莊子所謂

智在轉丸者。小兒喜燒啖之。謂去食積。縣人張信昆曰。有患糞漏者。百藥而穴不瘡。將彫瘵死矣。一人藥之立瘡。勤請其方。曰。大蜣螂三枚。麝香二分耳。叩其法。曰。將蜣螂陰乾。研末。加麝香。又研之。以黃古格紙勻鋪藥末。入一髮。搓紙成條。量穴深淺。爲長短。一日一換。換時有髮在心。紙條不至中斷。百治百效。繼有小兒無皮者。貧家無力醫療。或以蜣螂末試之。亦效。蓋蜣螂得糞之精。通其意。宜療多病。又保無他虞也。紀昀筆記。蜣螂曬乾。爲末。代火藥。力最勁。

蠶 蠶以蜀爲盛。故蜀曰蠶叢。蜀亦蠶也。詩曰。娟娟者

榮 縣 志

物產第六

美

川文三。二

蜀。烝在桑野。時榛榛。狃狃。緣山徧野。有蠶叢者。教民畜而飼之。民被其利。因王之曰。蠶叢。夫取蠶材之物而利用之。進化之道也。今蠶桑海內趨風。蔚爲談柄。而山蠶少興議也。榮之山多襍樹。苟歆其利。而擇種之。樗繭譜其導師乎。有狀如貓尾。生椒柏檜樹者。曰蠶鯨。鄉中以其絲製魚綫。

毛蟲 爾雅。蛸毛蠹。注。卽載。說文。載。毛蟲也。四月八。相沿。爲佛生日。揭紅紙於壁。書偈以嫁之。或以秧草箸壁。周禮。庶氏。掌除毒蠱。以攻說。禴之。嘉草攻之。此其遺也。花毛蟲 古曰蠹。曰蛄。蟄。郭注。爾雅云。載屬。五色斑斕。

毛刺人有毒。

豬兒蟲 爾雅。蛇烏蠋。韓非子。蠶似蠋。見蠋則毛起。廣志。蠋有五色者。是化胡蝶。海上人故種。鳳仙養之。

蜘蛛 大小形色不一。諾皋記。唐裴旻山行。有山蜘蛛如車輪。垂絲如匹布。旻射殺之。斷其絲數尺。收之。有金瘡者。剪方寸貼之。血立止。按今通用其白膜。又蜘蛛結膜壁間。取其子七枚。穴雞卵入之。紙封固。蒸食之。已瘡效。但忌瘡者知之。

蟾子 小蜘蛛長腳者。詩曰。蟾蛸。

曲蟻 古名蚘。蚘之言引也。古今注。一名曲蟻。蟻之言

榮 縣 志

物產第六

堯

川川×。上×

轉也。轉沙則雨。語曰。天將雨。蟻先出。

土狗 郭璞云。螻蛄也。夏小正曰。螻。

蚘蟻 種色不一。皆蝗屬。然不為災。毛詩傳。斯螽。蚣蝢也。股作瑋。瑋文。以兩股相切作聲。又爾雅。翰天雞。莎雞也。

螳螂 呂氏春秋。名拒斧。莊子所謂怒其臂。抱朴子云。

勇蟲也。腹中間有蟲。名鐵綫。如小蛇。但無鱗耳。蟲出則螳螂死。爾雅。其子螻蛄。

蟋蟀 俗曰叫雞子。形色光麗。其音悉悉率率。又名蛩。名蜻蛉。名王孫。名促織。

蠃 蟻也。大者曰馬蠃，爾雅例小者曰女。大者曰王，曰牛曰馬，黃者性靈有君臣佐使之別，赤者黑者，遜焉有翼而飛者。爾雅云蟹也。蠃其行相貫如綫，其遷穴也，由低而高則雨，由高而低則晴。或曰順路遷則晴，橫路遷則雨。

草鞵蟲 說文：蟲多足蟲也。

千腳蟲 似草鞵蟲而腳黑，寸斷寸行。古曰蝦，曰馬綫。

地烏龜 其形圓扁。爾雅曰蟠，廣雅曰蟪。本草曰地鼈。

能治血證折傷。南部新書：鮮于叔明嗜蟠蟲，與權長孺嗜人爪甲，劉邕嗜痂，同食妖也。

榮縣志

物產第六

卒

川。上。又。

地蝨 爾雅：伊威委黍，鼠婦與蟠鼠負別。見陸璣疏云：在壁根下，甕底土中生，似白魚。白魚蟬也。據知委黍地蝨也。

偷油婆 或曰鼠婦，非。生廚中陰溼處，氣小臭，不嚙人。

解蜈蚣毒有功蟲也。

黃蟲 爾雅：蠶與父守瓜，有全黃者，有黃身而尻黑者，有背光黑而腹黃者，皆嚙葉。

咬木蟲 蝎也。爾雅：蝎，蝮蝨。注：木中蠹蟲，橘蠹能已瘵。

蠹魚 書中蟲。一曰脈望。爾雅曰蟬。

臭蟲 說文：臭蟲，負礬也。此蜚也。今嚙人者，團如鼈。

竊蟲 形類臭蟲兩角。白色大如半胡麻。振其頭作聲。勻如小時。訖聞人響。暫止。須臾復振。難見之物也。唐孟匡朝有竊蟲賦。今老屋暗處多有之。

八角螫 爾雅曰蠪。

蜈蚣 多足。性制蛇。闇夜綠光如霞。能毒人。莊子。螂蛆甘帶。螂蛆即蜈蚣。其蠅生子肉中者。字從肉作蛆。見說文。南部新書。唐海南漂一蜈蚣。陸死。割其一爪。得肉百二十斤。在蜀為異聞。

土蠶 古曰蟬。爾雅作蠶。詩曰。去其螟螣。及其蠹賊。灰色如蠶。陽亢則生。左傳以比稅取萬民財貨者。

榮縣志

物產第六

空

川川上。〇〇三

已上蟲類

鱖 頭縮小。穹背博腹。如玉瓶。孟浩然。槎頭縮項鱖。是也。詩。必河之魴。魴即鱖。

鰕 音桂。張志和。偶桃花流水。鰕魚肥是也。時出貢井溪中。

牛皮魚 貢井時得魚如鯉。皮堅不入刀。因況曰牛皮。古有牛皮魚。名魚狸。采芑云。簞弗魚服是也。然形與今魚不類。見陸璣詩疏。又神異經。北荒有千里湖。產魚如鱧。刺之不入。煮之不死。以烏梅三七煮之。即熟。食之瘡邪病。不知種同否。

暴沙 擁斯茫水小井溝產也。麥秋時羣隊而出。吹暄暴影掩映溪岸。人因名之曰暴沙。

鱣 黃者常產也。白與青惟擁斯茫水有之。白鱣尤重於時。

泥鱮 爾雅一名鱮。合江鱮部水。殆以鱮故。

鰕 榮產少。趙熙曰。水鄉蠶食。利其餘育也。榮則尋之至艱。而豪奢惡習。偏如祖制之不可缺者。何哉。夫戒殺愛生。自難盡人崇信。然戕物亦當有節矣。昔周顥與何胤書曰。性命之於彼極切。滋味之在我可賒。使三塗不誣。而受形未息。一往一來。生死常事。則傷心之慘。行亦

榮 縣 志

物產第六

空

川上文。上六

自及。顯言可謂篤矣。且中廚豐膳。祇取樂耳。非有救死之不贍也。孟子曰。見其生不忍見其死。而今之食蛙者。剝皮猶躍。食蝦者。一庖千命。蔥鹽襍漬。到口蠕蠕。在彼則血泊橫屍。未能自列。即使之有生不存。并使之求死不得。痛哉。此情。十年來兵戈之慘。固亦有粟粟刀鋸之前者矣。視彼魂飛湯火。事豈懸焉。求生一也。甯仁人。不心惻耶。列子曰。天不爲虎狼生肉。蚊蚋生人。豈庶物理當殘滅。人壽幾何。快我一日之生。而縱心以造無量之孽。鰕猶小者也。

蛙 古作鼃。爾雅在水者鼃。攷工記所謂以脰鳴者。其

萬杵。點女人臂。非房事。紅斑不滅。李昌谷詩。花房夜擣紅守宮。以此。一酉餘談。有苦蛇傷者。一小兒言。用兩刀水內相磨。取水飲之。效。遂化蝮螫。入壁中。因號之蛇醫。是皆非雅馴之言。按鄭康成韋昭。均以蜴易象龍。本草名石龍子。亦名山龍子。故峩眉山西湖龍井僧。皆以爲龍子。而昔人以其神能致雹。漢時碑文。密器龍形。一同蜥蜴。鄭韋必有所受之。爾雅別名蝮螫。蜥蜴。蝮螫。有黑者。綠者。在壁者。在草者。在水者。

已上鱗類

茶 爾雅。檟苦茶。郭注。早采爲茶。晚取爲茗。蜀人名之。

榮 縣 志

物產第六

畜

×。川。上。二

苦茶。晏子春秋。有茗菜之文。王褒僮約。武陽買茶。武陽蜀郡地也。方言。蜀西南人謂茶曰葭。揚雄蜀都賦。蔓茗熒郁。常璩巴志。園有香茗。是茶自古有之。今音敕加反。古則茶音而已。博物志。飲真茶令人少眠。桐君藥錄。巴東有真香茗茶。煎飲令人不眠。是晉已前茶不通行。惟蜀惟盛。唐則天下風尚矣。此亦鄉故之雋聞也。施肩吾蜀茗詞。越椀初盛蜀茗新。薄雲輕處攬來勻。山僧問我將何比。欲道瓊漿卻畏嗔。榮山谷間茶種不一。以天堂定理蓮花諸寺爲多。明末赭矣。近年雙古墳。始製綠茶。色香味都絕。西北多山。儻徧廣植而精焙之。自然之大。

利也。

甘蔗 說文諸蔗也。古蔗食漿。楚詞有柘漿些。注柘諸蔗也。紅者曰昆侖蔗。白者曰竹蔗。亦曰蠟蔗。曰泡甘蔗。劍南蔗小而躁者曰荻蔗。造糖種之。落花生 常食品。迮油。其滓飼豕。

酒 說文酒從水酉。古者儀狄作酒醪。杜康作秫酒。趙熙曰。風俗通義。帝嚳者言其攷明法度。醇美嚳然。若酒之芬香也。列女傳。瞽叟速舜飲酒。二女與舜藥。浴汪。舜終日飲酒不醉。孔叢子。堯舜千鍾。孔子百觚。孔融。啁曹操酒禁書。堯不飲千鍾。無以成其聖。是酒明出儀狄杜

榮縣志

物產第六

奎

川文川。上文

康先矣。禮記。玄酒明水。乃存伊耆風尚。說文醫從毆。從酉。醫之性。得酒而使。據知酒在醫前。古者巫彭初作醫。竹書紀年。神農氏辨水泉甘苦味。嘗草木。作方書。巫彭爲古十巫之一。知醫出上古。卽知上古酎酒之確據。而許引儀狄杜康者。說酉義也。酉下八月黍成。可以酎酒。黍下黍可爲酒。故從禾入水。是黍專酒材。酒之名由黍立。他酒皆其後起。故傳儀狄作酒。必益以醪。傳杜康作酒。必冠以秫。知醪取汁滓均甘。與秫釀皆新法也。然則上古玄酒明水。中古專以黍釀。至儀狄杜康後。乃秫乃稷。乃麥。乃襍糧矣。黍禾屬而黏者。其不黏者亦禾屬。今

高粱廣雅曰木稷齊民要術曰蜀黍北方評高粱稗曰黍稷則高粱卽禾屬程瑤田以稷當高粱徧秦漢人無此說也高粱釀者燒酒稷米釀者上酒上尙也讀如常猶古尙書音常也縣屬重上酒醞稷米成之稷黏稻古之稷今酒米也市酤者醞其粕沃以多水茜一入取鵝黃色再入三入則赤矣光緒後燒酒大興燒酒又曰燒春曰燒刀皆譬酒之強白香山詩燒酒初開琥珀香牛嶠乾符進士也仕蜀王建時有句曰卓女燒春濃美陸游曰唐人喜赤酒又曰榮州酒赤而勁其在建安思蜀詩杯觴灩灩紅燒酒則榮州赤酒亦卽唐琥珀酒矣國

榮縣

志

物產第六

卷

六

變後榮酒術進燒酒坊醞酒於蒸釜未熟時專醞其醞曰冷氣酒一作裁得少半一作者一釀也一家爲之家家競勝由是榮酒之強埒酒精矣其穀其麥其豆其包穀其菘其種種雜糧凡耗民食均有禁。

黃糖

中國沙糖始於西域長阿含經天地初成諸天

來食地味漸爲釋迦先祖之王十二游經阿僧祇時小瞿曇於甘蔗園中爲精舍是當中國太古時也其後世稱甘蔗王摩德勒伽論沙糖漿亦得非時飲有蔗必有糖漸然之勢據佛言亦在周前矣古之甘者惟錫說文飴和皦者也蓋米成之蔗古止食漿宋玉招魂柘漿是

也。後爲錫。孫亮使黃門就中藏吏取交州獻甘蔗錫是也。南印度沿海而來。於中國南裔。自古交通。故沙糖之名。見古神弦歌第三聖郎曲云。酒無沙糖味。爲他通顏色。但非通用常品。至六朝通稱之糖。今之糟物也。唐太宗遣使至摩揭陀國。取熬糖法。謂揚州上諸蔗。榨瀋如其劑。色味轉勝。西域至宋東坡送遂甯僧詩。山谷在戎州。答雍熙長老詩。乃有糖霜。遂甯後遂造糖。其種其器。詳宋遂甯王灼糖霜譜。今縣惟產黃糖。名沙糖。設釐征稅。而所產甚少。

鹽 古夙沙作鹽。今供井神者不知也。陸游曰。蜀食井

榮縣志

物產第六

卷

四百上

鹽。僊井大寧。猶是大穴。若榮州則井絕小。僅容一筒。眞海眼也。又詩煮井人茫下。麥遲注。榮多鹽井。秋冬收薪茅甚急。知小井僅以茅火煎之。今城鄉屬地。時時得古井眼。父老云。清雍乾猶然。百年來小井絕迹。二十年開火王轉勝於富廠。眞高爛。飛煽天垂矣。鹽質惟德國埒。餘則川鹽甲於天下。

棉 近人俞樾與人書云。蠶之作繭。本以自藏。必糜爛之於鼎鑊之中。而纒取其絲。無乃不仁之甚。自唐木棉興。變草本而種益。絲衣被天下。殆造物有意。以彼易此。吾湖蠶事甲海內。軍興遭害。取劇村落丘墟。人民幾靡。

才遺。湖俗循良。有何獲罪於天。酷烈至此。意者數百年
養蠶之孽。發之一旦乎。是廣種桑樹。不如多習棉花。天
地之間。生命至重。凡蠕蠕者。皆與我並生之物。吾遇瓜
果中蟲。必提置青草間。明知未必能生。要使吾不見其
死也。按俞氏可謂仁言。原夫西陵之教。乃化衣皮舊俗。
用濟民生。孟子樹桑衣帛。取供養老。視夫戕億萬之命。
網大利於江海者。猶五雞二彘。校屠門血泊。業報夔殊。
在今上下交征。以強弱爲是非。方進民以商戰。好仁之
蔽。羣喙愚之。然仁人心也。擇術不可不慎也。縣人李難
聞海西斷絲織物。慨然敦勸蠶師。訪數其法。趙熙閱明

榮縣志

物產第六

矣

又。川。文。

李日華雜記。于闐國不殺蠶。使蛾飛盡。始滄蘭。則斷絲
近在西域。研之甚廣。國脈必昌。若棉者。盡天下人而日
用之。要需百倍。紈綺。生民托命。壹貧富之大齊。其利之
溥。等諸穀食。家植戶習。誠農祥也。

已上食貨類

鐵 有山礦。穴礦。穴礦。融石炭中。山礦。浮露。漢書地理
志。南安有鹽官鐵官。元和志。榮州貢和鐵。今惟青桐鋪
一廠耳。鹽鐵自古大利。而鐵冶守舊法。故出鐵微。

石炭 縣曰煤炭。北方單言煤。煤墨一聲之轉。卽古石
墨也。水經注。濁漳水條。冰井臺。其井深十五丈。藏冰及

石墨焉。石墨可書。又然之難盡。亦謂之石炭。陸士龍與兄書云。三臺上有曹公石墨數十斤。云燒此復消。可用然煙。中人不知。兄見之否。今送一螺。崔銑彰德志作煇。按煇俗字也。煤亦借字。皆由墨轉入爲平。其字正應作炭。說文炭燒木末灰也。从火戶聲。是以今之木炭爲炭。專稱實則石墨自山出。从火尸會意。其字誼不待說解而明。西人云地熱所生。其氣體爲火。今井火是也。液體爲油。今石油是也。體質爲炭。今煤礦是也。上古草木繇殖。中古林政克修。民生倚用匪急。故祇俱采色之用。與丹雘比。禹貢鉛松怪石。注以次玉當之。揆其鉛松并列。

榮縣

志

物產第六

完

又百川一八

則亦用涅之品也。孝經援神契德至于山陵則出墨丹。是知自古著世。逸周書沙炭連舉。計亦今石炭。其寢供然料。則始見史記外戚世家竇少君爲其主入山作炭。後漢書黨錮傳夏馥入林慮山中。親突煙炭。及郡國志豫章郡建城注縣有葛鄉。有石炭二頃。可然以爨。則灼然開採成績矣。徐陵詩石炭擣輕紈。又作閨中清玩。計今炭精也。隋王邵上表請變火。以石炭與柴火竹火等并列。是知世用寢廣矣。宋陳堯佐傳河東地寒民貧。仰石炭以生。則已爲日用要需。蘇軾石炭詩云。豈料山中有遺寶。磊落如礫萬車炭。流膏并液無人知。陣陣腥風

自吹散。是風會南煽。彭城初發見也。陸游云。北方多石炭。南方多木炭。而蜀燒巨竹爲炭。牛車載以入城。邛州鍊鐵。專利竹炭。則知宋時蜀中燒材極富。故游官榮州詩。城孤屋少草木茂。又曰。榮多鹽井。秋冬收薪茅甚急。又曰。地鑪堆獸熾石炭。知薪茅之外。固與松炭。櫚炭。竹炭。相雜爲用也。今則四山童然。樹盡而西北諸山。穴地取炭如蜂房。公井機鑪大興。日不濟用。其開採非改土法。轉運非利交通。不足以挾無盡之寶藏也。又王文誥注蘇詩言粵中以石炭培壅沙田。歲獲大利。此亦吾鄉所不知者。并記之以諗農功云。

榮縣志

物產第六

卅

三十一

石油 井肆所出曰井油。惜升煉無法耳。地熱所結液體爲油。處處有之。其浮見於外。凡有臭味汨汨者。如西北臭水河皆是。

花石 陳之璣官榮。名以流水桃花。凡城東榮梨山。貢井。城北宋垣之山。城西白石鋪。皆產。其無花者曰油礦。中碑材。

石灰 古之白涂用堊。白土也。其宗廟用蜃灰。漢已有之。賊不得視。釋名先泥之。次以白灰飾之。博物志燒白石作白灰。經日俱冷。遇澆便燃。知創未久。故異之。縣有

巖礦。燒油礦成之。有河礦曰膏石胎。膏卽油也。胎者旋取旋生。一母石孕千百子。燒之有聲。硜硜如卵。胎聲轉如湯。或曰膏石盪。言子紺碧異色。美如玉也。河礦過釣魚臺。遂盡。

硝 城中硝房一。硝土取之人居。

盃 城北金子溝。城西老君臺。皆有廠。趙熙曰。余宋垣鄉宅。東有溝。卽赫連溝之委也。其埴名瓦子土。瓦礫入地逾丈。常穴地得盃。累數十爲一重。或一重。或連數重。有破者。有埴時黏者。其完者形龐大。及瓶盃之屬。皆下今製遠甚。又有丸如鴨卵。中黃纍纍。殆千百計。審其用

榮 縣 志

物產第六

三

川文川。十三

不得。殆礮彈耶。明史英宗朝。四川製火器。而形若合若不合。瓦礫中無一留字者。觀製器之椎魯。當時不學可知。國變十一年。縣人張太守國璽於城中清富山治宅。因浚佛耳池而廣之。掘地數尺。得宋光宗銅質小印。文曰皇天錫策之家。蓋池卽唐宋刺史署。而光宗龍潛之邸。故古物特多。尤得瓶盃盃盃。其製與宋埴土窰諸器同質。是瓦非瓷。當南宋時。處州龍泉之窰。章氏生一生二所製。瓷色曰雨過天青者。至今猶寶光四溢。好古者豔稱哥窰。而山鄉通用之品。何華樸夤殊耶。然今之盃廠所造。視掘物加精無幾。則知工業不興。安於所

習也久矣。

已上中類

榮縣志

物產第六

三

七